

# LAI SAMOELAX PHUK TIX

## (1Samuel)

---

### *Nyiexma Elakanax*

**1** Koe pui veng Ramathaimzophim tix kauk ka gawng Epharim, ceukaux nawh mawh Elakanax kawn simex Yeroham pa mawh kawn simex Elihu pa mawh kawn simex Tawhu pa mawh kawn simex Zupha pa mawh ceucad Epharim.<sup>2</sup> Nawh koe moeng ra kauk, ceukaux mawh Hanax mai Penina, Penina koe kawn mai Hanax ang koe kawn.<sup>3</sup> Pui in lih khaing veng ot tix ku num sonsang hu ti krub mai tan ka Simiang Siyiex pa ting piang khawmuik ka veng Shilaw, kawn simex Elix ra kauk mawh Hawphanix mai Phiniet pa mawh cao giex kaing li Siyiex.<sup>4</sup> Singaix yam yuh Elakanax krax tan nawh tawx nyum son moeng tix Penina mai son kawn simex kawn sibun tix.<sup>5</sup> Nawh tawx nyum cie Hanax ra son kheu jao moh nawh Hanax, viang mawh nan, Siyiex ang kieh nawh koe kawn.<sup>6</sup> Penina nie songrhawm ka Hanax sonsang kieh khruprhawm kheu ang Simiang Siyiex kieh nawh koe kawn.<sup>7</sup> Ceu an hoik lih mawh ku num yam laig nawh ka daux nyiex buan Simiang Siyiex mai so Hanax khruprhawm mai Hanax yiem ang lai ih priex preem heue.

### *Lox Tiextu Hanax*

<sup>8</sup> Mex nawh pa mawh Elakanax ah nin, “Hanax eue, yiem maix kheu patix? Ang maix ih nyaux kheu tix? Lauxrhawm maix kheu patix? Aux hoik lheu mhawm son maix khaing kawn simex kao kauk ang mawh lie?”<sup>9</sup> Khaix hoik ih nyaux Hanax daux veng Shilaw, nawh yaog ti kaoh, Elix cao giex kaing li ngawm piang khaox ngawm praok rong siviex nyiex buan Simiang Siyiex.<sup>10</sup> Hanax kied lauxrhawm sigrien sigre mai rawgbuan ka Siyiex, yiem mai pa khruprhawm tix.<sup>11</sup> Nawh tiextu ah nin, “Simiang Siyiex Cao pa ting piang khawmuik eue, phan Maix koe rhawm Tix kiangiin ka kraxkhamgeu siliex sibun Tix, dohkeud ka aux, paw piawm ka siliex sibun Maix, 1:11 Si 6:5.

phan Maix tawx kawn simex ka siliex sibun Maix tix kauk, aux tak ap nawh ka Simiang Siyiex glang singaix im ju nawh mai ang khlaoh hauk kaing nawh.”<sup>12</sup> Yam rawg Hanax buan ang jud ang jai plak sivoe Simiang Siyiex, Elix cao giex kaing li simi ti jhak ka jheeh nawh.<sup>13</sup> Hanax rawgbuan daux rhawm tix, mawh ngie siyieb jheeh nawh pa chuh mai ang mhong ka lox nawh, Elix cao giex kaing li keud nawh yoek heue.<sup>14</sup> Elix cao giex kaing li ah nin ka nawh, “Mawh kawn sang yoek maix miexgrheeng lie? Teei ti tik rawm plix siiet khaing maix.”<sup>15</sup> Hanax deeh pawk ah nin, “Simiang eue, ang mawh, aux mawh sibun pa lauxrhawm, aux ang nyaux rawm plix siiet mai plai khiin, aux plih hieh rhawm rhi tix ka plaksivoesimiangSiyiex.<sup>16</sup> Pawdoh keud siliex sibun maix mawh sibun pa caox, aux krai ka daux pa lauxrhawm mai pa khirhawm tix tomnie.”<sup>17</sup> Elix deeh pawk ah nin, “Kieh maix hu nhim mai Siyiex pui Isarelaux taktawx ka maix awm pa rawg maix ka Nawh Cao.”<sup>18</sup> Hanax ah nin, “Kieh siliex sibun maix, yaox buanson plak sivoe ngai maix.” Khaix an, Hanax deeh hu krax hu tix mai ih priex mai ngai baoh nawh ang lai koe krax lauxrhawm heue.

### *Grawng Keh Samoelax*

<sup>19</sup> Kix kaoh ponngawb caocao mai krub ka Simiang Siyiex mai kix deeh ing ka nyiex tix daux veng Ramax, Elakanax laig ot mai moeng tix Hanax mai Simiang Siyiex dohkeud ka nawh,<sup>20</sup> Hanax koe kauk mai keh kawn simex tix kauk mai kok ceukaux nawh mawh Samoelax mai ah nin, “Mawh kheu aux hoik mhaing nawh ka Simiang Siyiex.”<sup>21</sup> Elakanax mai pui nyiexma nawh haok yuh krax tan kham lox sijax awm pa yuh ku num ka Simiang Siyiex.<sup>22</sup> Viang mawh nan, Hanax ang cu ti hu, nawh ah nin ka mex tix, “Aux ang

nyang hu, kieh kawn nyawm prah peuex ha, aux tak viex nawh hoek sivoie Siyiex mai prah nawh ot tan leeingju.”<sup>23</sup> Mex nawh Elakanax deeh ah nin, “Yuh awm pa koe rhawm maix, pau tom prah kawn nyawm peuex, yuh tom grumnaog gumlox Siyiex.” Hanax ot ka nyiex mai priex kawn tix tom hoek bawgyam prah nawh peuex.<sup>24</sup> Yam hoik prah kawn nyawm an peuex, kiex viex kawn nyawm hu mai tix tau mai mawie mhaing naog loe num tix mu, nghox ca tix epha mai singiien hak plix siiet tix mu mai viex hoek ka nyiex buan Simiang Siyiex daux veng Shilaw, kawn nyawm an kawn awn ju.<sup>25</sup> Khaix an, kix pah mawie mhaing an mai viex kawn nyawm hoek ka Elix<sup>26</sup> mai Hanax ah nin, “Simiang aux eue, awm im ju maix cao simiang aux, aux mawh bun pa hoik cung hawt maix tin mai pa rawgbuan ka Simiang Siyiex.<sup>27</sup> Mawh kheu aux rawgbuan sonsang pon kawn nyawm in mai Simiang Siyiex hoik tawx awm pa rawg aux ka Nawh Cao.<sup>28</sup> Mawh kheu aux hoik pon nawh khaing Simiang Siyiex, aux tak deeh ap nawh ka Simiang Siyiex, glang yam im ju nawh kieh mawh pa yuh kaing jhaw Siyiex.” Kix krub ka Simiang Siyiex tanheue.

### **Grawng Rawg Hanax Buan**

**2** Hanax rawgbuan ah nin, “Aux kied gauxrhawm mai kied ting riang daux Simiang Siyiex, jheeh aux yaw rangdi tix ka piang pui koeng aux, mawh kheu aux gauxrhawm daux pa taoh Maix Cao.<sup>2</sup> Ang koe pui pa singax singeh awm Simiang Siyiex, lheu khaing Maix ang lai koe Siyiex mai rang dee een ex rhawm awm Maix ang koe.<sup>3</sup> Paw lai krai lox ting lhaong mai paw kieh lox nunai lih khaing jheeh tix, mawh kheu Simiang Siyiex mawh pa tawng yung mai Nawh Cao mawh pa ciang ka kaing kuceu.”<sup>4</sup> Ak pui ting riang khankix hoik graig mai pui pa awn riang khankix tak deeh koe riang.<sup>5</sup> Pui pa kub ih tak deeh cang, pui pa cairhawm tak sak, pui neh takkeh kawn aliah kaux mai pui koe kawn tomnie tak deeh iak riang.<sup>6</sup> Siyiexpon kieh yum mai pon kieh deehim, Nawh Cao pon kieh hu meung yum mai pon

kieh deeh kaoh,<sup>7</sup> Simiang Siyiex chix kieh pui hot mai chix kieh pui mi, Nawh chix kieh tiem mai chix kieh lhaong.<sup>8</sup> Nawh Cao yaog pui hot khaing phawng tiex mai yaog pui caung khaing pum nyhee mai kieh ngawm tau mai cao Simiang mai pon dee ngawm danggeung pa koe min mawh sinngao tix. Mawh kheu rong haktiex mawh cie Siyiex mai Nawh deuh haktiex piang an.<sup>9</sup> Nawh Cao kiangiien ka caong pui pa singax tix, pui pa ang rahsee tak ot niiep ka daux pa faik, pui ang chix pex kheu riang rao tix.<sup>10</sup> Simiang Siyiex tak yuh laux phawng vid ka pui pa koeng khankix, Nawh Cao kieh sinum praix luah khaing raoma lih piang kix, Simiang Siyiex ciyang tom sidah haktiex, Nawh tak kieh simiang pa laug Nawh naog mai riang rao mai yaog siawp sibrawm pui pa hoik groi Nawh Cao bee kah.”<sup>11</sup> Khaix an, Elakanax deeh ing ka nyiex tix, ka Ramax mai kawn nyawm an yuh kaing jhaw Simiang Siyiex kasivoie Elix cao giex kaing li.

### **Kawn Simex Elix**

<sup>12</sup>Kawn simex Elix khankiex mawh pui caox mai kiex ang nabyam ka Simiang Siyiex.<sup>13</sup> Been pa deuh cao giex kaing li son pui hun mawh nin, yam yuh pui tix kaux kaux krax tan pa appong, siliex cao giex kaing li tak viex lawktuh koe kak loe mu hoek ka taix tix yam kawn ngaik ka nex.<sup>14</sup> Khaix an, nawh tak cih lawktuh koe kak loe mu ka daux aw khankix, phan lawktuh koe kak loe mu caw ti pug patix angah, cao giex kaing li tak teei ti cie ka an, kix yuh ceu an ka pui Isarela pa hoek ka daux veng Shilaw.<sup>15</sup> Sivoie sang gleeing kix khlawp bee, siliex cao giex kaing li hoek ah nin ka pui pa yuh krax tan, “Tawx nex pa sang tong cao giex kaing li ti ih, mawh kheu nawh ang teei nex hoik ngaik ka maix, teei ngie nex im.”<sup>16</sup> Phan pui an ah nin ka nawh, “Kieh kix gleeing khlawp bee sivoie, khaix an maix pon ti teei tomnie awm pa koe rhawm tix” mai nawh ah nin, “Ang chix, maix caw ti tawx yam in, phan ang mawh nan aux tak yuh tom pon teei tix ka an.”<sup>17</sup> Phimap pui awn ju ankiex kied ting sivoie Simiang Siyiex, mawh kheu kiex map ka krax tan ka Simiang Siyiex.

### ***Samoelax Yuh Kaing Jhaw Siyiex***

<sup>18</sup>Samoelax ceep sibex dhah dawd taix mai yuh kaing jhaw sivoe Siyiex, yam mawh kawn nyawm. <sup>19</sup>Miex nawh caing sibex iak tix pheem mai viex ti tawx ka nawh ku num yam hu yuh nawh krax tan pa appong ku num heue. <sup>20</sup>Elix nawb buan ka Elakanax mai moeng nawh mai nawh ah nin, “Kieh Simiang Siyiex tawx doehru ka sibun in kheu hoik ap kawn nyawm pa hoik rawg tix ka Simiang Siyiex,” khaix an kix deeh ing ka nyiex tix. <sup>21</sup>Simiang Siyiex hoek kiangiin ka Hanax, nawh baux koe kaux mai keh kawn simex loe kaux kawn sibun ra kaux mai pa mawh kawn nyawm Samoelax ting huan sivoe ngai Simiang Siyiex heue.

### ***Lox Jhai Son Kawn Praix Elix***

<sup>22</sup>Elix hoik kied kuad mai nawh mhong can pa yuh kawn simex tix ka pui Isarela, grawng it kiex mai sibun yuh kaing jhaw ka diang siviex laig nyiex gox buan man bang kum, <sup>23</sup>nawh ah nin ka kiex, “Pax lai yuh ceu in yuh ka mawh? Mawh kheu aux hoik mhong grawng pa caox yuh pax ka pui khankix. <sup>24</sup>Kawn simex aux eue, ang mhawm, pa mhong aux grawng kieh pax pui Simiang Siyiex lud khankix ang lai mawh pa mhawm. <sup>25</sup>Phan pui tix kaux lud ka paox kawn pui tix, cao prawngsee tak prawngca ka nawh, viang mawh nan, phan pui tix kaux lud ka Simiang Siyiex, pui mawx pa sang khioxkhaw ka son nawh? Viang mawh nan, kiex ang nghieta ka lox keeing tix, mawh kheu Simiang Siyiex koe rhawm ti sang pah kiex yum heue. <sup>26</sup>Samoelax ting huan mai koe min plakngai ka sivoe Simiang Siyiex mai sivoe ngai pui khankix. <sup>27</sup>Pui Siyiex tix kaux lih bleeh ka Elix ah nin ka nawh, “Siyiex ah nin, aux hoik jhi Tokaux Cao tix sidawng ka nyiexma keeing pex khankix yam ot kix ka nyiex Pharaw meung Ejiptux. <sup>28</sup>Aux hoik laug nawh khaing doeh nyiexma pui Isarela, sonsang mawh cao giex kaing li Aux, sonsang yuh krax tan piang khu dee tan Aux mai gleeing nyawng bhawng mai ceep sibex dhah dawd taix plak sivoe Aux, Aux hoik ap krax tan pa yuh ka ngu khaing pui Isarela ka doeh nyiexma keeing maix. <sup>29</sup>Kheu maix lai dig krax tan

2:28 Lih 28:1-4. 2:28 Krub 7:35-36.

mai can pa tan pa hoik tawm Aux mai tawx min ka kawn tix lheu ting khaing Aux mai kieh tokaux tix kluing ka krax tan pa kied mhawm khaing pui Aux pui Isarela lie? <sup>30</sup>Siyiex pui Isarela ah nin, Aux hoik krai tete, doehru maix mai doehru keeing maix tak hu ing sivoe ngai Aux leeingju, Simiang Siyiex ah nin, kieh an singai khaing Aux, pui pa tawx min ka Aux, tak deeh tawx min ka nawh mai pui pa nunai ka Aux tak pon krax pa laux min. <sup>31</sup>Jhak heue, bawgyam singaix pa sang tat Aux ka plawng taix maix mai plawng taix doeh nyiexma keeing maix sang hoek mai pui riex ju ang lai koe daux doeh nyiexma maix. <sup>32</sup>Maix tak yaox pa koe krax lhatgraung ka piang sinngao pa tawx Aux pa koe daux nyiexma pui Isarela mai pui riex ju tak ang koe ka daux doeh nyiexma maix leeingju. <sup>33</sup>Pui maix pa ang Aux nyang tat ti tik khaing khu dee tan Aux, Aux tak deuh ju sonsang yiem tom uah ngai mai kieh maix voirhawm mai doeh nyiexma maix tak yum yam awn ju tix, <sup>34</sup>in tak mawh mhai rug ka maix pa sang lih mawh ka kawn maix Hawphanix mai Phinehat, khawm ra kaux tak yum daux tix ngaix khaing. <sup>35</sup>Aux tak kieh cao giex kaing li pa kaux sijax, pa hawt yuh alo Aux lih hoek, Aux tak sum doehru nawh kauxcong mai nawh tak hu ing sivoe ngai pui pa hoik groi Aux rawm bee kah leeingju. <sup>36</sup>Can pui pa kawn deuk ka daux nyiexma maix khankix hoek krub ka nawh, sonsang rawg bliah mau mai bliah blah ah nin, yuh buanson kieh aux yuh kaing yuh cao giex kaing li sonsang yaox aux ti ih blah tix lon heue.”

### ***3 Siyiex Kok Samoelax***

Samoelax pa mawh kawn nyawm pa yuh kaing jhaw Simiang Siyiex sivoe ngai Elix, yam an, gumlox Siyiex hoek ngie ceeix khaing ka daux riieng susai pa ang sidawng. <sup>2</sup>Daux tix ngaix Elix it ka dee it tix, ngai nawh jah ti vuvi ang chix yaox, <sup>3</sup>kaww ngu Siyiex ang nyang yeet daux nyiex buan Simiang Siyiex ka dee koe teug buan sijax mukheu Siyiex, Samoelax hoik laig it dee it tix. <sup>4</sup>Khaix an, Simiang Siyiex kok ka Samoelax, Samoelax ah nin, “Aux ottin.” <sup>5</sup>Nawh tohuka Elix ah nin,

“Aux ot tin, mawh kheu kok maix aux.” Elix ah nin, “Aux ang kok maix, baox deeh hu it ha.” Nawh kawx deeh hu it. <sup>6</sup> Simiang Siyiex baox kok, “Samoelax eue” mai Samoelax kaoh hu ka Elix ah nin, “Aux ot tin, mawh kheu kok maix aux.” Elix ah nin, “Aux ang kok ka maix, kawm simex aux eue, baox deeh hu it ha.” <sup>7</sup> Samoelax ang nyang sax tawng ka Simiang Siyiex mai gumlox Simiang Siyiex ang nyang sax plak jhi ka nawh. <sup>8</sup> Simiang Siyiex baox kok ka Samoelax loe bawg tix bawg. Mai nawh kaoh hu ka Elix ah nin. “Aux ot tin, mawh kheu kok maix aux” mai Elix hoik tawng Siyiex kok ka kawm nyawm an. <sup>9</sup> Mawh kheu nan, Elix ah nin ka Samoelax, “Hu it ha, phan Nawh deeh kok maix, maix pawk ah nin, Simiang Siyiex eue, krai heue, mawh kheu siliex Maix hoik mhong.” Mawh kheu nan, Samoelax deeh hu it ka dee it tix. <sup>10</sup> Simiang Siyiex hoek mai cung kok nawh awm phaoka ah nin, “Samoelax! Samoelax” mai Samoelax pawk ah nin, “Krai heue, siliex Maix hoik mhong.” <sup>11</sup> Simiang Siyiex ah nin ka Samoelax, “Jhak heue, Aux tak yuh tix ceuceu ka daux pui Isarelax mai yhaok pui pa mhong kukaux tak laklheet yhaok khawm ra plak ka mhong tix. <sup>12</sup> Daux singaix an, Aux tak yuh ceu pa hoik krai Aux ka Elix, awm grawng pa dex mai nyiexma nawh, jah tom yam jah tom hoek dee sidah. <sup>13</sup> Aux tak krai grawng sang ciyang Aux ka doeh nyiexma nawh leeingju, kheu pa caoxcaig pa hoik tawng nawh, mawh kheu kawm simex nawh ra kaux nunai ka Siyiex mai nawh ang neraw ka kiex. <sup>14</sup> Mawh kheu nan, Aux tom tiextu ka doeh nyiexma Elix mai phimap pa caoxcaig yuh doeh nyiexma nawh tak ang pon pluatploi tix ka krax tan pa gleeing mai ka ceu pa tan leeingju. <sup>15</sup> Samoelax laig it tom hoek ponngawb mai nawh paoh siviex nyiex buan Simiang Siyiex heue. Samoelax lhat krai rieng susai yaox tix ka Elix. <sup>16</sup> Elix kok ka Samoelax ah nin, “Kawn simex aux Samoelax eue” mai nawh pawk ah nin, “Aux ot tin.” <sup>17</sup> Elix ah nin, “Simiang Siyiex hoik krai ceu patix ka maix? Paw mox an ka aux. Phan maix mox can pa krai Siyiex ka maix ka aux, kieh Siyiex

4:4 Lih 25:22.

ciyang ka maix nielheu khaing an.” <sup>18</sup> Mawh kheu nan, Samoelax krai kuceukanawh mai anglai mox ka nawh tix ceu kawx, Elix ah nin, “In mawh Siyiex, kieh Nawh Cao yuh awm pa yaox tix mawh pa mhawm.” <sup>19</sup> Samoelax ting huan mai Siyiex ot mai nawh mai ang kieh lox nawh cod ka tiex tix gum kawx. <sup>20</sup> Pui Isarelax khawmuik jah ka veng Dan tom hoek ka veng Berashibax hoik tawng mawh Samoelax cao jhai Siyiex. <sup>21</sup> Siyiex baob bleeh ka veng Shilaw, mawh kheu Siyiex jhi tokaux tix ka Samoelax ka veng Shilaw ka daux gumlox Simiang Siyiex mai Samoelax krai gumlox inkix tah daux haktiex Isarelax khawmuik heue.

#### 4 *Rhim Ti Teei Teug Buan Siyiex*

Gumlox Samoelax hoek ka pui Isarelax khawmuik mai pui Isarelax lih puing ka pui Philitix, kix yuh tab ka dee Ebeneza mai pui Philitix yuh tab ka veng Aphiet. <sup>2</sup> Pui Philitix khrierien naing puing ka pui Isarelax, yam hoik tah naing kudah pui Isarelax hoik som ka pui Philitix mai pui Philitix hoik pah pui kix yum daux biang naing been pon rheng kaux. <sup>3</sup> Yam deeh hoek krunaing ka daux tab, cub kuad riex ju pui Isarelax ah nin, “Simiang Siyiex lai kieh ex som ka pui Philitix daux singaix kheu patix lie? Kieh ex viex teug buan sijax mukheu Simiang Siyiex khaing veng Shilaw hoek ka ex, yam hoek sinax ex, tak taoh ex khaing tawm taix pui koeng. <sup>4</sup> Kix ploi pui hu ka veng Shilaw mai viex teug buan sijax mukheu Siyiex Cao krunaing raoma pa ngawm piang dangngeung cub Cherubin mai kawm simex Elix Hawphanix mai Phinehat ra kaux ot tan tau mai teug buan sijax mukheu Siyiex. <sup>5</sup> Yam hoek teug buan sijax mukheu Simiang Siyiex daux tab, pui Isarelax khawmuik kokyoloxsinum tom tah piang haktiex. <sup>6</sup> Yam hoik mhong pui Philitix ka loxyolox ting sinum, kix ah nin, “Lox kokyolox ting sinum daux tab pui Hebrie mawh patix lie?” Kix tawng teug buan sijax mukheu Simiang Siyiex hoik hoek ka daux tab, <sup>7</sup> pui Philitix kied lhat mai ah nin, “Siyiex hoik hoek ka daux tab” mai kix ah nin, “Krax kharhawm hoik hoek ka ex! Ceu in ang nyang sax

mawh sivoe in tix bawg kawx.”<sup>8</sup> Krax kharhawm hoik hoek ka ex! Pui mawx sang pon taoh ex khaing siyiex pa ting siawp sibrawm inkix lie? siyiex inkix mawh pa pah ka pui Ejiptux ka jhawm saux preng daux tiag.<sup>9</sup> Pui Philitix eue, kieh koe rhawm kua yuh kieh awm simex, son ang pex mawh siliex pui Hebrie awm hoik sax mawh kix siliex pex, yuh kieh awm simex mai puing kah.”<sup>10</sup> Pui Philitix puing ka Isarelix, pui Isarelix som mai kix tang to hu ka nyiex tix kukaux kheu koe krax pah pa kied ting tan mai krunaing caong pui Isarelix khankix yum loe mheen kaux.<sup>11</sup> Kix pon giex teug buan sijax mukheu Siyiex mai kawn simex Elix pa mawh Hawphanix mai Phinehat mai pah kiex yum heue.<sup>12</sup> Pui Benyamin tix kaux to khaing biang naing, hoek ka Shilaw daux tix ngaix khaing tau mai kraung griah mai phawng tiex piang kaing nawh.<sup>13</sup> Yam hoek nawh Elix ngawm piang khaox ngawm ka praok krax mai pau ti jhak, mawh kheu nawh hoik sikuarhawm ka son teug buan sijax mukheu Siyiex. Yam hoek pui an ti kraikrawng satang daux veng, pui veng khawmuik kawx yiiemyo heue.<sup>14</sup> Yam mhong Elix lox yiiemyo mai chawh ah nin, “Lox sinum yiiemyo an mawh patix?” Pui tix kaux niied ti hoek kraik ka Elix.<sup>15</sup> Elix hoik koe tixdim daix num mai ngai nawh vuvi ang lai chix yaox,<sup>16</sup> pui an ah nin ka Elix, “Aux mawh pui pa to ti hoek khaing biang naing in singaix.” Elix ah nin, “Kawn simex eue koe grawng yuh ka mawx?”<sup>17</sup> Pui pa viex lox satang hoek mai pawk lox ah nin, “Pui Isarelix hoik to sivoe pui Philitix, kheu koe krax pah pa kied ting tan sinax pui hun, kawn simex maix Hawphanix mai Phinehat khawm ra kawx hoik yum mai hoik pon giex ka teug buan sijax mukheu Siyiex.”<sup>18</sup> Yam mhong Elix grawng teug buan sijax mukheu Siyiex, Elix goh ka plak khaix khaing khaox ngawm tix ka praok guh veng, nawh pot ngawg mai yum, mawh kheu hoik riex ju nawh mai tokaux nawh kawx cien. Nawh hoik prawngca ka pui Isarelix tixpon num heue.<sup>19</sup> Mun Elix moeng Phinehat koe kaux hoik

dex bawgyam keh, yam mhong nawh lox satang pon giex kix teug buan sijax mukheu Siyiex mai yum paox tix mai mex tix, mawh kheu pa saux keh hoek ka nawh, nawh tom nom ti keh kawn tix.<sup>20</sup> Yam dex sang yum nawh, sibun cao pau nawh khankix ah nin, “Paw lhat, mawh kheu maix keh kawn simex tix kaux” mai nawh ang pawk ang nghiet kah.<sup>21</sup> Nawh kok ceukaux kawn nyawm an mawh Ikhabok mai ah nin, “Min plakngai hoik lih hu khaing pui Isarelix,” mawh kheu hoik pon giex ka teug buan sijax mukheu Siyiex mai kheu hoik yum paox nawh mai mex nawh heue.<sup>22</sup> Nawh ah nin, “Min plakngai hoik lih hu khaing pui Isarelix, mawh kheu hoik pon giex teug buan sijax mukheu Siyiex heue.

### **5** *Teug Buan Siyiex*

Yam giex pui Philitix ka teug buan Siyiex, kix viex lih hu khaing Ebeneza ka veng Ashadok.<sup>2</sup> Pui Philitix teei teug buan Siyiex mai viex hu daux nyiex buan siyiex Dagon mai deuh ka praok Dagon.<sup>3</sup> Yam kaoh pui Ashadok ponngawb cao singaix khaix, jhak heue, siyiex Dagon goh piang tiex sivoe ngai teug buan Simiang Siyiex. Kix deeh yaog ti deuh siyiex Dagon ka deeh ot nawh.<sup>4</sup> Yam kaoh kix ponngawb caocao singaix khaix, jhak heue, siyiex Dagon goh piang tiex sivoe ngai teug buan Simiang Siyiex, kaing siyiex Dagon mai taix nawh khawm ra plak hoik pot piang sigut siviex, mawh ngie tokaux nawh pa deuk nongnong.<sup>5</sup> Mawh kheu jao in cao giex kaing li siyiex Dagon mai pui laig daux nyiex siyiex Dagon ang pon dig ka sigut siviex nyiex Dagon tom in singaix.<sup>6</sup> Taix Siyiex hoik cien piang pui Ashadok mai Nawh Cao yuh kix lauxleeing mai kieh krax khamgeu jhawm saux muad hoek piang pui veng Ashadok mai piang haktiex baoh an khankix.<sup>7</sup> Yam yaox pui Ashadok ceu an, kix ah nin ka paox tix, “Teug buan Siyiex pui Isarelix ang khaw ti ot mai ex, mawh kheu taix nawh cien piang ex mai piang siyiex ex Dagon.”<sup>8</sup> Kix ploipui hu kok ka cao kaing pui Philitix mai khawm kix chawk paox tix ah nin, “Ex sang yuh ka mawx ka teug buan Siyiex pui Isarelix lie?” kix pawk lox ah nin,

“Kieh ex viex teug buan Siyiex Isarela hu ka veng Gata. “Khaix an, kix viex teug buan Siyiex pui Isarela hu tan. <sup>9</sup> Khaix viex kix an hu, taix Simiang Siyiex yuh veng an lauxleeing ka krax kharhawm pa kied ting mai kieh kix khamgeu ka jhawm saux muad khawm pui ting pui iak kukaux. <sup>10</sup> Kix tawx teug buan Siyiex ka Ekaron, yam hoek teug buan Siyiex ka Ekaron mai pui Ekaron yiemyo ah nin, “Kix viex teug buan Siyiex pui Isarela hoek sonsang pah ka ex mai pui hun khankix.” <sup>11</sup> Kix ploi pui hu kok cao kaing pui Philitix mai khawm kix chawx paox ti ah nin, “Ploi teug buan Siyiex pui Isarela hu singai mai deeh ing ka dee ot tix, son ang lai pah ka ex mai pui hun.” Mawh kheu taix Siyiex cien ka dee an, krax yum mai krax lauxleeing hoik tah hu daux veng khawmuik.” <sup>12</sup> Pui pa ang yum kawx pon jhawm saux muad mai lox yiemyo pui veng an hoek tom ka raoma heue.

### ***Teug Buan Sijax Mukheu***

**6** Teug buan Simiang Siyiex hoik ot ka haktiex Philitix aliah khix. <sup>2</sup> Pui Philitix kok ka cao giex kaing li mai cao jhai ah nin, “Ex tak sang yuh ka mawx ka teug buan Simiang Siyiex? Ex sang deeh tawx an ing ka dee ot nawh yuh ka mawx kraik ex mhong liak.” <sup>3</sup> Kix pawk ah nin, “Phan pex tawx teug buan Siyiex pui Isarela, paw tawx hu giexgoing, kieh deeh ing mai krax tan pa pluatploi phimap. Khaix an, pex tak moi khaing jhawm saux mai an tak mawh pa kieh pex tawng grawng taix Nawh Cao ang nyang gah khaing pex yuh ka mawx heue.” <sup>4</sup> Kix ah nin, “Mawh krax tan pa pluatploi phimap ceu patix pa sang deeh tawx ex ka nawh,” kix pawk ah nin, “Rieang saux muad pa yuh ka khri phuan mu mai rieangkiang pa yuh ka khri phuan mu, awm diag koe cao kaing pui Philitix, mawh kheu jhawm saux tix ceu khaing koe piang pex mai piang cao kaing khankix. <sup>5</sup> Mawh kheu nan, pex tak yuh rieang saux muad mai rieangkiang pa yuh laux ka haktiex mai tawx min plakngai ka Siyiex pui Isarela, phan pex yuh nan, Nawh tak kieh taix tix chaong piang pex, piang siyiex pex mai piang haktiex pex.

<sup>6</sup> Kheu patix pex lai kieh rhawm tix kiien, awm kiien rhawm pui Ejiptux mai Pharaw lie? Khaix hoik yuh Nawh Cao ceu pa daoxdengkasinxkix, kix kieh pui hun lih hu ang mawh lie? <sup>7</sup> Yam in teei lawx khraox tix lhang mai sau ka mawie miex ra mu pa koe kawn pa ang nyang sax sau iak kah mai tok kawn mawie iak deeh ing ka nyiex singai khaing miex tix. <sup>8</sup> Teei teug buan Simiang Siyiex deuh piang lawx mai sau kraung khri pa sang tan ka Nawh Cao, son krax tan pa pluatploi phimap mai deuh an ka praok teug buan mai ploian kieh lih hu dee singai. <sup>9</sup> Pau ti jhak ka an, phan teug buan lih hu ka haktiex tix ka veng Bietshemiet mai Nawh Cao mawh pa yuh ceu pa caox pa kied ting in piangkawx ex mai phan ang cuti hu extak tawng ang mawh taix Nawh Cao pa yuh ka ex, ex tak tawng an mawh pa tang lih ti mawh piang ex, pa ang ex keud ce heue.” <sup>10</sup> Pui khankix kawx yuh awm an mai teei mawie miex pa koe kawn ra mu tok ka lawx an mai laung kawn nawh ka daux kawg, <sup>11</sup> kix sau teug buan Simiang Siyiex piang lawx, khawm teug mai rieangkiang mai rieang saux muad. <sup>12</sup> Mawie miex ra mu hu see see ka krax hu ka Bietshemiet mai hu ka krax ting mai bawh tix mai ang lai veh plak dawm plak goix, cao kaing pui Philitix kawx hawt khaix tom hoek ka mee haktiex Bietshemiet. <sup>13</sup> Pui veng Bietshemiet kawn ot ti vawk nghox ca ka daux ngawd, yam maong kix ti jhak mai yaox ka teug buan sijax mukheu, kix gaurhawm ka yaox tix an. <sup>14</sup> Lawx an hoek daux kaung Yawsux pui Bietshemiet mai kaog tan praok rang ting. Kix lug khix ka khaox lawx an mai tan mawie miex an ra mu son krax tan pa gleeing ka Simiang Siyiex. <sup>15</sup> Pui Lewix teei teug buan Simiang Siyiex mai teug koe ka praok an lih pa koe kraung khri mai deuh an piang rang ting, pui veng Bietshemiet tan krax tan pa gleeing mai appong ka Simiang Siyiex. <sup>16</sup> Yam hoik yaox cao kaing pui Philitix phuan kawx ka an, kix deeh ing ka Ekaron daux singaix an. <sup>17</sup> In khankix mawh rieang saux muad pa yuh ka khri pa tan pui Philitix son krax tan pa pluatploi phimap ka Simiang Siyiex son veng

Ashadok tix mu, son veng Gaza tix mu, son veng Ashakelon tix mu, son veng Gata tix mu, son veng Ekaron tix mu, <sup>18</sup>awm an, rieang kiang pa yuh ka khri kawx, mawh son veng pa kauxcong angah, yaong khankix angah, diag koe yaong mai veng pa kuang simiang Philitix phuan kaux angah tom sidah hoek ka rang ting pa deuh kix teug buan Simiang Siyie. Rang an kawn koe tom hoek ka daux in singaix daux tong kaung Yawsux pui veng Bietshemiet heue. <sup>19</sup>Nawh Cao pah ka pui veng Bietshemiet phuan mheen mai atixgiah kaux, kheu jhak kix teug buan Simiang Siyie, pui hun yiemgrai mawh kheu Simiang Siyie pah ka pui hun tomnie heue.

### *Teug Buan Siyie Koe Daux Kiratyrim*

<sup>20</sup>Pui veng Bietshemiet chawk paox tix ah nin, “Mawh pui mawx pa pon cung plak sivoe Simiang Siyie pa singax singeh in lie? Sonsang lih hu khaing yix mai pui mawx caw ti hu?” <sup>21</sup>Kix ploi pui cau khankix hu ka pui ot ka veng Kiratyrim ah nin, “Pui Philitix deeh viex teug buan Simiang Siyie lih hoek mai deeh viex an ing tau mai pex heue.”

**7** Pui Kiratyrim hoek teei teug buan Siyie viex laig daux nyie Abinadat, piang gawng mai kix kieh kawn simex nawh Eliaza singax sonsang priex ka teug buan Simiang Siyie.

### *Samoelax Prawngsee Pui Isarela*

<sup>2</sup>Jah ngaix an, teug buan rheeng ot ka Kiratyrim tixnga num mai nyie ma pui Isarela yiemgrai ka Simiang Siyie. <sup>3</sup>Khaix an, Samoelax ah nin ka doeh nyie ma Isarela khawmuik, “Phan pex deeh veeh ti hoek ka Simiang Siyie khawm rhawm tix mai tik siyie pui tang ceu siyie Ashatariet khaing sinax tix mai ap rhawm rhi tix yuh kaing Nawh nongnong mai Nawh Cao tak deeh taoh pex khaing tawm taix pui Philitix.” <sup>4</sup>Mawh kheu nan, pui Isarela tik ka siyie Balax mai siyie Ashatariet mai yuh kaing jhaw Simiang Siyie nongnong. <sup>5</sup>Samoelax ah nin, “Khawm pui Isarela khawmuik ka veng Mizapa mai aux tak rawgbuan son pex

7:1 2Sa 6:2-4, 1Ben 13:5-7.

ka Simiang Siyie.” <sup>6</sup>Mawh kheu nan, kix khawm paox ti ka Mizapa mai kin rawm mai hieh ka plak sivoe Simiang Siyie mai tuah pah daux singaix an mai kix ah nin ka dee an, “Ex khawmuik hoik lud ka Simiang Siyie.” Mai Samoelax prawngsee ka pui Isarela ka Mizapa. <sup>7</sup>Yam mhong pui Philitix khawm pui Isarela paox tix ka Mizapa, cao kaing pui Philitix haok puing ka pui Isarela. Yam mhong pui Isarela ka grawng an, kix lhat ka pui Philitix. <sup>8</sup>Pui Isarela ah nin ka Samoelax, “Paw nyang naox krax rawg maix buan ka Simiang Siyie ka son ex, sonsang taoh Nawh Cao ka ex khaing tawm taix pui Philitix.” <sup>9</sup>Mai Samoelax teei kawn yung pa kawn peux tix mu mai tan an khawm mu, son krax tan pa gleeing ka Simiang Siyie, Samoelax rawgbuan khioxkhaw ka Siyie son pui Isarela mai Simiang Siyie pawk ka lox nawh. <sup>10</sup>Yam kawn tan Samoelax krax tan pa gleeing, pui Philitix greed tix dex sonsang puing ka pui Isarela, viang mawh nan, Simiang Siyie kieh sinum praix ting lih piang pui Philitix mai kieh kix prungprang ti som ka sivoe pui Isarela. <sup>11</sup>Pui Isarela lih khaing Mizapa mai pheet pui Philitix mai pah kix tom hoek ka Bietkha. <sup>12</sup>Samoelax teei simaox tix lon mai sum sinax Mizapa mai Shen, kok ceukaux an mawh Ebeneza mai nawh tom ah nin, “Simiang Siyie hoik teem ex tom hoek yam in.” <sup>13</sup>Pui Philitix hoik som ang lai hoek ka mee haktiex pui Isarela. Mai taix Simiang Siyie tiebtie ka pui Philitix yam kawn im ju Samoelax. <sup>14</sup>Veng pa hoik rhim pui Philitix khaing Isarela hoik deeh hoek ka pui Isarela, jah ka veng Ekaron tom hoek ka veng Gata mai pui Isarela deeh taoh ti teei ka haktiex kix khaing tawm taix pui Philitix. Yam an pa nhim koe sinax pui Isarela mai pui Amawrix. <sup>15</sup>Samoelax prawngsee ka pui Isarela glang yam im ju nawh <sup>16</sup>mai nawh lailing ing tiang ku num tom hoek ka veng Betelax, veng Gilagalax mai veng Mizapa mai prawngsee ka pui Isarela khawm ka dee an khawmuik. <sup>17</sup>Nawh ing ka veng Ramax jheengjheeng, kheu koe nyie nawh tan mai nawh kawx prawngsee ka pui

Isarelux mai sum khu dee tan son Simiang Siyiex tan heue.

**8** *Pui Isarelux Mhaing Simiang*  
 Yam hoik kuad Samoelax, nawh deeh kieh kawn simex tix prawngsee ka pui Isarelux. <sup>2</sup> Ceukaux kawn Ai nawh mawh Yawlax mai ceukaux kawn Nyi mawh Abiyax, kiex khawm ra kaux mawh cao pa prawngsee ka daux veng Berashibax. <sup>3</sup> Kawn simex nawh ang lai hawt khaix keeing tix mai moh ka mau pa ang rahsee mai rieb mau cun praok mai tik been pa mawhmeh. <sup>4</sup> Khaix an kuad riex ju pui Isarelux khawm paox tix hoek ka Samoelax daux veng Ramax <sup>5</sup> mai ah nin ka nawh, "Jhak heue, maix hoik riex ju kawn simex maix kawx ang hawt daux krax maix, yam in yaog simiang son yix tix kaux sonsang yuh cao kuang ka yix awm pui tang ceu." <sup>6</sup> Yam ah kix "Tawx simiang tix kaux sonsang kuang ka yix," viang mawh nan, Samoelax ang khawrhawm mai rawgbuan ka Siyiex. <sup>7</sup> Mai Simiang Siyiex ah ninka Samoelax, "Nghiet ka lox pa kraï pui hun ka maix khawmuik, sonang kix lai thiang ti tikka maix, kix hoik thiang ti tik ka Aux, son ang Aux lai kuang piang kix. <sup>8</sup> Awm kaing pa hoik yuh kix ka Aux khawmuik, jah yam viex Aux kix lih khaing Ejiptux tom hoek in singaix, kix tikvud ka Aux mai yuh kaing jhaw siyiex tang kaux mai kix yuh nang nan ka maix. <sup>9</sup> Mawh kheu nan, nghiet ka lox kix, mawh ngie tawx maix satix ka kix mai jhi grawng been pa sang kuang simiang piang kix." <sup>10</sup> Samoelax kraï gumlox Simiang Siyiex khawmuik ka pui hun, pa hoik mhaing simiang tix kaux ka nawh. <sup>11</sup> Nawh ah nin, "Inkix mawh been pa yuh simiang sonsang kuang piang pex. Nawh tak teei kawn simex pex mai kieh kix mawh cao kiangien linglawx brung mai ka brung naing nawh khankix mai kix tak to ka sivoë linglawx naing nawh. <sup>12</sup> Nawh tak yaog cao kaing naing pa kuang pui tix rheng, cao kaing naing pa kuang pui tix yieh, cao kaing naing pa kuang pui tix phuan mai cao kaing naing pa kuang pui kao kaux son tix mai kieh pui tix blah mawh cao thai ma kaung, cao

8:5 Pi 17:14.

vawg nghox mai pui pa sang yuh kraung naing nawh mai pui pa sang yuh kraung linglawx naing brung nawh khankix. <sup>13</sup> Nawh tak teei kawn sibun pex mawh pa khre sidah bhawng, cao yuh priex mai cao ping blah. <sup>14</sup> Nawh tak teei kaung, sipeem plix siiet pex mai sipeem khaox sanlon pa mawh cie pex pa kied mhawm mai tawx ka siliex tix. <sup>15</sup> Nawh tak teei kao son tix son khaing nghox mai plix siiet pex mai tawx an ka cao kaing mai siliex nawh khankix. <sup>16</sup> Nawh tak teei siliex simex, siliex sibun pex khankix mai pui awn ju pa mhawm pex khankix, khawm la pex mai kieh kix yuh kaing jhaw nawh. <sup>17</sup> Nawh tak teei kao son tix son khaing phung yung pex mai pex tak mawh siliex nawh. <sup>18</sup> Pex tak yiemyo kheu jao simiang pa hoik laug pex son tix daux singaix an, viang mawh nan Siyiex ang pawk ka lox pex singaix an heue." <sup>19</sup> Viang mawh nan, pui hun ang nghiet ka lox Samoelax mai kix ah nin, "Ang mawh, yix tak caw tix koe simiang pa kuang piang yix, <sup>20</sup> sonsang awm yix pui tang ceu mai simiang tak kuang ka yix mai lih hu sivoë yix mai puing naing ka son yix." <sup>21</sup> Samoelax mhong ka lox pui hun mai deeh kraï lox an ka Simiang Siyiex. <sup>22</sup> Simiang Siyiex ah nin ka Samoelax, "Nghiet lox kix mai yaog simiang tix kaux ka son kix." Samoelax deeh ah nin ka pui Isarelux, "Pex kukaux tang deeh ing ka veng tix heue."

**9** *Sawlux Mawh Simiang*  
 Koe pui Benyamin tix kaux pa kaux Kisha kawn simex Abielax, kawn simex Zeraw, kawn simex Bekhawrat, kawn simex Aphi, pui Benyamin pa mawh pui mi. <sup>2</sup> Nawh koe kawn simex tix kaux, ceukaux nawh mawh Sawlux, nawh mawh kawn simex awn ju pa mhawm grang, ka daux pui Isarelux ang koe pui mhawm grang awm nawh tix kaux kawx, nawh lhaong khaing pui khawmuik jah khaing klip haok ka plak piang. <sup>3</sup> Yam grai la Kisha keeing Sawlux, Kisha ah nin ka kawn simex tix Sawlux, "Kaoh viex siliex hu mai maix tix kaux, hu sawg ka la." <sup>4</sup> Kiex tiang ka gawng Epharim tom hoek haktiex Shalisha mai kiex ang yaox ka la mai kiex baox tiang hu ka baoh haktiex Shalim



mai la ang koe tan mai kiex baox tiang ka haktiex Benyamin, viang mawh nan kiex ang yaox la. <sup>5</sup> Yam hoek kiex ka haktiex Zupha, Sawlux ah nin ka siliex pa hu mai nawh, "Hoek, ax deeh ing, keeing aux ang tau ti lai khirhawm grawng la, nawh teu deeh khirhawm ka son ax." <sup>6</sup> Mai siliex nawh ah nin, "Jhak heue, koe pui Siyiex pa ao min ka dauh veng tix kaux, lox kraih nawh mawh pa rug tete, kieh ax hu tan, nawh tak pon jhi dauh krax pa sang caw ax tix hu." <sup>7</sup> Sawlux ah nin ka siliex tix, "Phan ax hu sang viex ax patix hu ka pui an lie? Mawh kheu blah pa viex ax hoik uik, totaix pa sang viex ax ka pui Siyiex ang lai koe, kaw n koe ceu patix ka ax lie?" <sup>8</sup> Siliex an deeh pawk lox Sawlux ah nin, "Aux kaw n koe mau Shekhe tix mat, aux tak tawx mau an ka pui Siyiex, sonsang kraih nawh krax hu ax." <sup>9</sup> Glang ka in, phan pui Isarelaux sang chawk ka Siyiex, kix ah nin, "Kieh ex hu ka pui grux yaox," yam in pui kok nawh mawh cao jhai, glang ka dix, pui kok mawh pui pa chix yaox heue. <sup>10</sup> Sawlux ah nin ka siliex tix, "Mhawm heue, hoek, kieh ax hu." Mai kiex hu ka dauh veng dee ot pui Siyiex. <sup>11</sup> Yam kiex hoek piang ton ka praix veng, kiex sipub bunkrih pa kin rawm tix blah mai chawk ka kix ah nin, "Koe pui grux yaox tin lie?" <sup>12</sup> Kix deeh pawk ah nin, "Koe heue, nawh ot sivoex pax tan. Niied pax hu yam in, kheu kaw n taug hoek nawh khaing dauh veng, mawh kheu yuh pui krax tan dee pa kied lhaong dauh in singaix. <sup>13</sup> Yam hoek pax dauh veng, pax tak yaox nawh, sivoex sang haokih nawh priex ka dee pa lhaong, mawh kheu ang pui nyang pon ih priex sivoex ang nawh nyang hoek, kheu caw nawh ti nawb buan ka krax tan, khaix an pui pa ghaok nawh khankix pon ti ih priex. Yam in haok plak piang, pax tak sipub ka nawh dommawx doman." <sup>14</sup> Kiex khawm ra laig ka dauh veng. Yam hoek kiex ka dauh veng, Samoelax lih hoek ka see kiex, ka krax hu nawh ka dee pa lhaong. <sup>15</sup> Simiang Siyiex hoik grux kraih ceu an ka Samoelax sivoex sang hoek Sawlux ah nin, <sup>16</sup> "Bawg yam in pasax, aux tak ploi pui tix kaux khaing haktiex Benyamin hoek ka maix, maix tak groi rawm bee piang nawh, sonsang mawh

nawh simiang piang pui Aux Isarelaux. Nawh tak deeh taoh ka pui Aux khaing dauh taix pui Philitix, mawh kheu Aux hoik yaox krax kharhawm pui Aux mai lox yiiemyo kix hoik hoek ka Aux." <sup>17</sup> Yam yaox Samoelax ka Sawlux, Simiang Siyiex ah nin ka nawh, "In mawh pui pa hoik kraih Aux ka maix! Nawh mawh pui pa sang kuang piang pui Aux." <sup>18</sup> Sawlux greed tix dex Samoelax ka diang siviex mai ah nin, "Kraih aux mhong koe nyiex pui grux yaox dee mawx?" <sup>19</sup> Samoelax pawk lox Sawlux ah nin, "Aux mawh pui pa chix yaox, haok sivoex aux ka dee pa lhaong, maix tak ih priex mai aux ka dauh in singaix, pasax aux tak deeh ploi maix hu mai sang kraih maix mhong can pa koe ka dauh rhawm maix khawmuik. <sup>20</sup> Phan mawh la maix pa hoik graih dauh loe singaix nhaox, paw maix khi rhawm kah, mawh kheu hoik yaox kix kah. Pa simie pui Isarelaux khankix mawh pui mawx lie? Hoik mawh tokaux maix mai doeh nyiexma keeing maix ang mawh lie?" <sup>21</sup> Sawlux pawk lox ah nin, "Aux mawh pui Benyamin, pa kied iak khaing doeh pui Isarelaux ang mawh lie? Mai pa ox nyiex aux mawh pa iak khaing doeh nyiexma pui Benyamin ang mawh lie? yuh ka mawx maix lai kraih ceu in ka aux?" <sup>22</sup> Mai Samoelax viex Sawlux mai siliex nawh mai kok kiex laig ka dauh nyiex haw, tawx kiex ngawm ka dee pa mhawm sinax pui pa ghaok nawh khankix, pui pa ot tan koe tixngoe kaux. <sup>23</sup> Samoelax ah nin ka cao yuh priex, "Viex nyum pa hoik tawx aux pex priex, pa hoik kieh aux pex tang deuh nongnong." <sup>24</sup> Mawh kheu nan, cao yuh priex viex ba mai nyum pa koe plak piang khankix hoek sivoex Sawlux mai Samoelax ah nin, "Can pa tang priex ti deuh khankix hoik deuh ka sivoex ngai maix, ih heue, awm pa hoik kraih ti deuh ka pui pa ghaok khankix, hoik deuh ti een son maix," Sawlux ih priex tau mai Samoelax singaix an. <sup>25</sup> Yam lih kiex khaing dee pa lhaong mai laig ka dauh veng, Samoelax mai Sawlux sikah tau thaix piang nyiex. <sup>26</sup> Kiex khawm ra kaoh caocao, yam bah rieng praix, Samoelax kok ka Sawlux thaix piang nyiex, "Kaoh heue, aux sang tawx maix hu ka krax hu tix." Sawlux kawx kaoh

lih hu tau mai Samoelax ka plak praix.<sup>27</sup> Yam hoek kiex ka praok veng, Samoelax ah nin ka Sawlux, “Kieh siliex maix hu sivoie ax, yam hoik luan nawh maix cung tin ha, aux tak kraï maix mhong gumlox Siyiex heue.”

**10** Khaix an, Samoelax teei kaww rawm bee mai see piang kaing nawh mai ngheet ka nawh ah nin, “Pa groi Simiang Siyiex rawm bee piang maix, sonsang mawh maix cao kuang piang ceu pui sinngao cie Nawh ang mawh lie?”<sup>2</sup> Yam lih hu maix khaing aux in singaix maix tak yaox pui ra kaux ka simeeig Rakhelax ka haktiex pui Benjamin ka Zelaza mai kiex ah nin ka maix, la pa sawg maix hoik yaox kah, yam in keeing maix ang lai khirhawm ka grawng la, nawh deeh tieh ti khirhawm ka grawng maix ah nin, “Aux sang yuh ka mawx ka kaww simex tix?”<sup>3</sup> Mai maix tak luan khaing tan, tom hoek ka khaox tiah ka Tabaw, pui loe kaux pa hu ka Siyiex ka Betelax, tak sipub ka maix tan, tix kaux tak viex kaww pex loe mu, an tix kaux tak viex blih loe lon mai an tix kaux tak viex singiien rawm plix siiet tix mu.<sup>4</sup> Kix tak rieb ti singeuh taix maix mai taww blih ka maix ra lon, maix tak rieb ti teei an khaing taix kix.<sup>5</sup> Khaix an, maix tak deeh hoek ka gawng Kipehatelohim ka dee koe tab krungaing pui Philitix, yam hoek maix ka veng tan maix tak sipub cao jhai tix cub pa lih khaing dee pa lhaong mai viex ting pawd, ting plah khaox, kraung, lawkleh mai ting sideet khankix hoek ti tah sivoie kix mai kraï lox jhai heue.<sup>6</sup> Khaix an, khuan Simiang Siyiex tak hoek piang maix, maix tak kraï lox jhai mai kix, maix tak deeh tieh ti mawh pui pa tang siyox tix kaux.<sup>7</sup> Yam lih mhai rug in khankix ka maix, maix hawt yuh awm pa khaw maix ti yuh, mawh kheu Siyiex ot tau mai maix.<sup>8</sup> Maix tak lih hu ka sivoie aux ka Gilagalax, jhak heue, aux tak hoek ka maix sonsang yuh krax tan pa

**10:12** 1Sa 19:23-24.

312

ka maix mai jhi maix yaox ceu pa sang caw maix ti yuh.<sup>9</sup> Yam veeh nawh ti lih hu khaing Samoelax, Siyiex hoik taww rhaww keud pa tang siyox ka nawh, mhai rug in khawmuik lih mawh dauw singaix an.<sup>10</sup> Yam hoek kix ka Gibat, jhak heue, cao jhai tix cub rieb ka Sawlux mai khuan Siyiex lih hoek piang nawh mai kraï lox jhai ka sinax kix.<sup>11</sup> Yam hoik yaox pui khankix, hoik daww tawwng tix ka nawh, kix yaox kraï nawh lox jhai sinax cao jhai khankix, pui hun ah nin ka paox tix, “In mawh patix pa lih mawh ka kaww simex Kisha lie? In mawh Sawlux pa ot sinax cao jhai ang mawh lie?”<sup>12</sup> Pui ot tan tix kaux pawk ah nin, “Keeing kix mawh pui maww lie?” Mawh kheu nan, lox kab tom lih ti koe ah nin, “Mawh Sawlux pa ot sinax cao jhai ang mawh lie?”<sup>13</sup> Yam hoik kraï Sawlux lox jhai, nawh hoek ka dee pa lhaong.<sup>14</sup> Khaix an, keeing iak Sawlux ah nin ka nawh mai siliex nawh, “Kaoh pax khaing hu tix dee maww lie?” Mai nawh ah nin, “Hu sawg ka la, mawh kheu ang yiex yaox la, yiex tom hoek ka Samoelax.”<sup>15</sup> Keeing iak Sawlux ah nin, “Kraï aux mhong ka ceu pa kraï Samoelax ka maix liak.”<sup>16</sup> Sawlux pawk ah nin ka keeing iak tix, “Nawh kraï ngie yiex mhong grawwng hoik yaox ka la.” Viang mawh nan, nawh ang kraï grawwng pa dex mai been haktiex, pa kraï Samoelax ka nawh heue.

#### **Paox Sawlux**

<sup>17</sup> Samoelax kok pui hun khaww paox tix ka Simiang Siyiex ka Mizapa,<sup>18</sup> nawh ah nin ka pui Isarelix, “Simiang Siyiex, Siyiex pui Isarelix ah nin, Aux hoik viex pui Isarelix lih khaing Ejiptux mai aux hoik taoh pex khaing dauw taix pui Ejiptux mai khaing taix haktiex pui pa yuh pa kin pa khin ka pex.<sup>19</sup> Viang mawh nan, pex hoik tik ka Siyiex tix, pa hoik taoh pex khaing krax kharhaww mai krax lauxleeing mai pex ah nin, “Ang mawh! viang mawh nan, yaog simiang piang yix yam in thong paox pex hoek ka plak sivoie Simiang Siyiex awm pa koe doeh nyiexma pex mai doehru pex.”<sup>20</sup> Mai Samoelax kieh doehru pui Isarelix hoek dex mai yuh niep, caw ka doehru Benjamin.<sup>21</sup> Nawh viex doehru pui

gleeing mai yuh krax tan pa nhim. Maix tak yaox ti pau aliah ngaix, tom hoek aux

Benyamin hoek dex mai yuh niep, caw ka doehru Matarix mai kix baov viex doeh nyiexma Matarix kukaux hoek dex mai yuh niep, caw ka Sawlux kawn simex Kisha, yam an kix sawg ka Sawlux mai ang yaov nawh. <sup>22</sup> Kix chawkcheng Siyiex ah nin, "Mawh ang pui an nyang bax hoek tin lie?" Simiang Siyiex ah nin, "Jhak heue, nawh mox tix sinax kraung." <sup>23</sup> Mai kix to hu teei nawh khaing tan, yam cung nawh sinax pui khankix, nawh lheu lhaong khaing pui, jah mee klip nawh haok plak piang. <sup>24</sup> Mai Samoelax ah nin ka pui khankix, "Mawh yaov pex ka pui pa hoik laug Simiang Siyiex lie? Pui pa awm nawh ang lai koe sinax pui hun tix kaux kawx." Pui hun yolox sinum ah nin, "Kieh simiang langju liak!" <sup>25</sup> Mai Samoelax krai pui hun mhong grawng been pa dex mai simiang mai nawh tiem ti deuh ka daux phuk lai mai deuh sivoie Siyiex. Mai Samoelax deeh kieh pui hun ing ka nyiexma tix kukaux. <sup>26</sup> Mai Sawlux kawx, ing ka nyiex tix ka Gibat mai pui pa so Siyiex rhawm kix khankix kawx ing tau mai nawh. <sup>27</sup> Viang mawh nan, koe pui caox tixblah ah nin, "Pui in sang pon taoh ex yuh ka mawx lie?" Mai kix nunai nawh mai ang viex totaix ka nawh. Viang mawh nan, Sawlux ang lai een ankix ka daux rhawm tix heue.

### **Sawlux Pex Amon**

**11** Nahat pui Amon hoek ti yuh tab dex veng Yabiet haktiex Gilat maipui veng Yabiet khankix ah nin ka Nahat, "Yuh sijax mukheu mai yix, yix tak yuh kaing jhaw son maix." <sup>2</sup> Nahat pui Amon pawk lox kix ah nin, "Phan aux yaov ti koh sok ngai khawn dawm pex khawmuik mai yuh pa ang cee ang cak ka pui Isarelix, aux tak yuh sijax mukheu mai pex." <sup>3</sup> Mai kuad riex ju veng Yabiet ah nin ka nawh, "Pau been aliah ngaix, sonsang ploix pui cau hu ka haktiex pui Isarelix ku sidah phan pui pa taoh ka yix ang koe tix kaux kawx, yix tak ap tix ka maix." <sup>4</sup> Yam hoek cao cau ka veng Gibat dee ot Sawlux, kix krai grawng an hoek bleeh ka pui hun mai pui hun yiiemyo khawmuik heue. <sup>5</sup> Jhak heue, Sawlux hoek khaing daux kaung hawt khaix mawie tix mai nawh ah nin, "Mawh  
313 1 SAMOELAX  
10-12

yuh pui hun patix, kix lai yiiem yuh patix lie?" Mai kix krai lox pa ah pui veng Yabiet ka nawh. <sup>6</sup> Yam mhong Sawlux ka lox an, khuan Siyiex lih ti hoek piang nawh mai nawh kied songrhawm sigrien sigre. <sup>7</sup> Mai nawh teei mawie mhaing tix brawm pat lih mawh khik mawx khik an mai kieh pui cau khankix roi hu ka haktiex Isarelix kudah ah nin, "Pui mawx angha pa ang hawt khaix Sawlux mai Samoelax, tak yuh awm ceu in ka mawie kix!" Mai krax lhatgraung Simiang Siyiex hoek ka piang pui hun mai kix lih hoek daux pagrumrhawm tau tix dum. <sup>8</sup> Yam khrawm Sawlux ti yaov ka carang daux veng Beziet, pui Isarelix koe loe sien, pui Yudax koe loe mheen kaux. <sup>9</sup> Kix ah nin ka cao cau pa hoek khankix, "Pex ing ah nin ka pui veng Yabiet haktiex Gilat, bawgyam hax koek pasax, pex tak pon krax lawdluan." Yam hoek krai cao cau khankix grawng an ka pui veng Yabiet kix koe krax gaurhawm kah. <sup>10</sup> Mawh kheu nan pui Yabiet ah nin, "Ex tak ap tix ka maix pasax maix pon ti yuh ka yix awm pa simie maix ti yuh." <sup>11</sup> Bah rieng praix ngaix khaix, Sawlux goih pui loe cub mai kix hoek sigreung tab pui koeng bawgyam ponngawb mai pah ka pui Amon tom hoek bawgyam hax koek, pui pa kawn deuk khankix hoik prungprang tom ang kix lai pon khrawm paov tix ot tau tix dah ra kaux. <sup>12</sup> Khaix an, pui hun ah nin ka Samoelax, "Mawh pui mawx pa ah nin, Sawlux tak sang kuang piang ex lie? Viex pui an hoek, sonsang pah ex kix yum." <sup>13</sup> Viang mawh nan, Sawlux ah nin, "Paw pah ka pui in singaix tix kaux kawx, mawh kheu in singaix mawh singaix taoh lawd Simiang Siyiex ka pui Isarelix." <sup>14</sup> Mai Samoelax ah nin ka pui hun, "Hoek, kieh ex hu ka veng Gilagalax mai deeh cox pang meung haktiex khraox tan." <sup>15</sup> Pui hun khawmuik haok hu ka veng Gilagalax mai yaov Sawlux mawh simiang sivoie Simiang Siyiex ka Gilagalax. Kix tan krax tan pa nhim ka Simiang Siyiex, Sawlux mai pui Isarelix kied  
hoek krax gaurhawm tan heue.

### **12 Lox Krai Samoelax Ka Pui Hun**

Samoelax ah nin ka pui Isarelix, "Jhak heue, aux hoik nghiet lox pex mai grawng  
1 SAMOELAX 12

pa ah pex ka aux khawmuik mai hoik yaog simiang piang pex. <sup>2</sup> Jhak heue, simiang hoik hu sivoie pex, yam in aux hoik kuad mai hoik paing hauk kaing, kawm simex aux kawx hoik ottau mai pex, aux hoik lailing ka plak sivoie pex, jah yam mawh aux kawm nyawm tom hoek in singaix. <sup>3</sup> Yam in aux hoik ottin, kieh pex kham mhai rug grawng aux sivoie Simiang Siyiex mai sivoie pui pa hoik groi Nawh Cao bee piang. Mawh hoik saxteei aux mawie pui mawx lie? Hoik saxteei aux la pui mawx lie? Hoik sax pielhen aux kraung pui mawx lie? Hoik sax khin aux pui mawx, hoik sax rieb aux mau cun praok khaing taix pui pa sang kieh ngai aux dug lie? Aux tak deeh plud an ka pex.” <sup>4</sup> Kix deeh ah nin, “Maix ang sax pielhen kraung yix, ang sax khin ka yix mai ang sax teei tix ceuceu khaing taix pui tix kaux kawx.” <sup>5</sup> Mai nawh deeh ah nin ka kix, “Simiang Siyiex mawh mhai rug ka pex mai pui pa hoik groi Nawh Cao bee piang nawh kawx hoik kham mhai rug ka daux in singaix, pa ang pex yaox tix ceu kawx ka daux taix aux. “Mai kix deeh ah nin, “Nawh Cao hoik mawh mhai rug.” <sup>6</sup> Mai Samoelax ah nin ka pui hun, “Simiang Siyiex mawh pa yaog Mose mai Arun mai pa viex taxdu pex lih khaing meung Ejiptux.” <sup>7</sup> Mawh kheu nan, yam in ot yiienyawg, aux tak kum grawng see pex sivoie ngai Simiang Siyiex pa dex mai pa rahsee pa hoik yuh Simiang Siyiex ka pex mai ka taxdu pex khankix. <sup>8</sup> Yam hoek Yakop ka Ejiptux, pui Ejiptux yuh pa khin ka kix mai keeing pex khankix riagyo ka Simiang Siyiex mai Simiang Siyiex ploi Mose mai Arun pa viex taxdu pex khankix lih khaing Ejiptux mai kieh pex ot dee in. <sup>9</sup> Viang mawh nan, kix piawm ka Simiang Siyiex tix, Nawh Cao coh kix ka daux tawm taix Sirax cao kaing naing ting pui Hazaw, ka daux tawm taix pui Philitix, ka daux tawm taix simiang Mawbax mai pui an khankix puing ka kix. <sup>10</sup> Kix yiem ka Simiang Siyiex ah nin, “Yix hoik yuh phimap, mawh kheu yix hoik tikvud ka Simiang Siyiex mai hoik yuh kaing jhaw

siyiex Balax mai siyiex Ashatariet, viang mawh nan, yam in, taoh yix luan khaing daux tawm taix pui koeng yix mai yix tak yuh kaing jhaw Maix Cao.” <sup>11</sup> Mai Simiang Siyiex ploi Yerubalax, Barak, Yephathax mai Samoelax hoek mai taoh pex lih khaing daux tawm taix pui koeng pex khaing ku plak mai pex hoik yaox ti ot nhim mhawmmhawm. <sup>12</sup> Yam hoik yaox pex hoek Nahat simiang pui Amon ti puing ka tix, pex ah nin ka aux, ang mawh, caw tix koe simiang tix kaux pa kuang piang yix, viang Simiang Siyiex mawh simiang piang pex kawx. <sup>13</sup> Jhak heue, yam in Simiang Siyiex hoik yaog simiang tix kaux piang pex awm pa hoik laug pex mai pa hoik mhaing pex. <sup>14</sup> Phan pex lhatgraung ka Simiang Siyiex mai yuh kaing jhaw Nawh, cu nghieng ka lox Nawh mai ang tiehfeen ka lox tawm pingnyap Nawh mai phan pex mai simiang pa kuang piang pex hawt khaix Simiang Siyiex tix, mawh pa mhawm, <sup>15</sup> phan pex ang nghieng ka lox Simiang Siyiex mai tiehfeen ka lox tawm pingnyap Nawh Cao, plawng taix Nawh Cao tak tieb ka pex mai ka keeing pex khankix. <sup>16</sup> Yam in cung sijung mai jhak pa ting lhaong ceu pa yuh Simiang Siyiex ka sivoie ngai pex khankix. <sup>17</sup> In singaix mawh bawgyam vawg nghox ca ang mawh lie? Aux tak kok ka Simiang Siyiex son Nawh Cao kieh sinum praix mai lhiex lih mai kieh pex deeh chix yaox ka phimap krax lud pa kied ting pa hoik yuh pex sivoie Simiang Siyiex, ka daux pa mhaing pex simiang son tix.” <sup>18</sup> Mawh kheu nan, Samoelax kokyo ka Simiang Siyiex mai Simiang Siyiex kieh sinum praix mai rawm lhiex lih ka daux singaix an mai pui hun kied koe krax lhatgraung ka Simiang Siyiex mai Samoelax. <sup>19</sup> Pui hun khawmuik ah nin ka Samoelax, “Rawgbuan ka Siyiex son siliex maix khankix, sonsang ang yix yum, mawh kheu yix hoik baox yuh phimap pa caox in ka pa hoik mhaing yix simiang son tix.” <sup>20</sup> Mai Samoelax ah nin ka pui hun, “Paw lhatgraung, viang pex hoik yuh phimap pa caox inkix kawx, paw lai veeh khaing pa hawt ti khaix Simiang Siyiex, viang mawh nan, yuh kaing jhaw Simiang Siyiex khawm rhawm tix, <sup>21</sup> paw lai veeh ti hawt khaix ceu pa

**12:6** Lih 6:26. **12:8** Lih 2:23. **12:9** Cao 4:2, 13:1, 3:12. **12:10** Cao 10:10-15. **12:11** Cao 7:1, 4:6, 11:29, 1Sa 3:20. **12:12** 1Sa 8:19.

giexgoing pa ang koe buanson mai pa ang pon taoh, mawh kheu ceu an mawh pa

khaix nawh mai sikuarhawm tix. <sup>8</sup>Sawlux pau aliah ngaix, tom hoek bawgyam pa tin

13:14 Kawn 13:22.

315

1 SAMOELAX 12-13

giexgoing. <sup>22</sup>Mai Simiang Siyiex ang tikvud ka pui kheu min ceukaux pa ting lhaong Nawh Cao, mawh kheu Simiang Siyiex hoik khaw rhawm ti kieh pex mawh pui Nawh Cao. <sup>23</sup>Lheu khaing an, phan mawh aux pa yuh phimap mai pa ang rawgbuan ka Simiang Siyiex son pex, kieh singai khaing aux, aux tak sidiex pex ka pa mhawm mai krax pa rahsee. <sup>24</sup>Kieh lhatgraung ngie ka Simiang Siyiex mai yuh kaing jhaw Nawh Cao ka daux pa kaux sijax khawm rhawm tix mai dohkeud ka pa kied ting lhaong pa hoik yuh Nawh Cao son pex. <sup>25</sup>Phan pex ca kawn yuh pa caoxcaig, pex khawm simiang pex tak hoek krax lauxleeingheue."

### **13 Pa Yuh Naing Mai Pui Philitix**

**13** Yam hoik yuh Sawlux simiang piang pui Isarelaux tix num haoh daux ra num, <sup>2</sup>nawh laug pui khaing Isarelaux loe rheng kaux, ra rheng kaux ot tau mai nawh ka Mikhamat piang gawng Betelax mai tix rheng kaux ot tau mai Yawnasan ka Gibat haktiex Benyamin, pui pa kawn deuk khankix, nawh ploi ing ka nyiexma kix. <sup>3</sup>Yawnasan puing ka krunaing pui Philitix pa koe ka Gibat mai pui Philitix mhong ka grawng an, Sawlux phlu teettawng ka haktiex kudah ah nin, "Kieh pui Hebrie khankix mhong." <sup>4</sup>Pui Isarelaux mhong grawng hoik puing Sawlux ka tab krunaing pui Philitix mai pui Isarelaux lih ti mawh pa seeing pui Philitix kah. Pui hun khrawm paox tix hoek ka Sawlux ka veng Gilagalax. <sup>5</sup>Pui Philitix khrawm paox tix sonsang puing ka pui Isarelaux, ka linglawx naing loe mheen mai pui naing brung liah rheng kaux mai lien kix haohhun awm mhaik praok rawm sigrit sigra, kix haok yuh tab ka Mikhamat plak sivoie veng Bietavin. <sup>6</sup>Yam yaox pui Isarelaux krax sikhawp sikhiep pa kharhawm, mawh kheu kix sipub ka krax pa kin mai pui khankix mox tix ka daux rang, ka dee nhik, sinax rang, piang gawng mai daux o daux tiex. <sup>7</sup>Pui Hebrie tixblah tiang ka toi rawm klawng Yawdan ka haktiex Gat mai haktiex Gilat. Sawlux kawn ot ka Gilagalax, pui hun hawt

Samoelax ti deuh, viang mawh nan, Samoelax ang hoek ka Gilagalax mai pui hun hoik prungprang. <sup>9</sup>Sawlux ah nin, "Viex krax tan pa gleeing mai krax tan pa nhim hoek ka aux tin. Mai nawh yuh krax tan pa gleeing. <sup>10</sup>Ang rheeng, khaix hoik yuh nawh krax tan pa gleeing dommawx doman, jhak heue, Samoelax hoek mai Sawlux rieb ti singeuh taix nawh. <sup>11</sup>Mai Samoelax chawk ah nin, mawh hoik yuh maix patix lie? Mai Sawlux pawk ah nin, yam yaox aux hoik prungprang pui khaing tix, mawh kheu ang maix lai hoek bawgyam pa tin ti deuh mai pui Philitix khrawm paox tix hoek ka veng Mikhamat, <sup>12</sup>Aux ah nin, "Yam in pui Philitix tak lih hoek puing ka aux ka Gilagalax, aux ang nyang yaox ti khiokxhaw ka Simiang Siyiex, aux khin ti yuh krax tan pa gleeing." <sup>13</sup>Samoelax ah nin ka Sawlux, "Maix hoik yuh kaing pa daoxaw, maix ang lai priex ti hawt lox pingnyap Simiang Siyiex tix, pa hoik tawm Nawh ka maix, phan maix hawt ti yuh awm an, Simiang Siyiex tak kieh meung haktiex maix kauxcong piang Isarelaux leeingju." <sup>14</sup>Yam in meung haktiex maix ang lai kauxcong, Simiang Siyiex hoik sawg pui tix kaux pa khawrhawm Nawh mai Simiang Siyiex hoik yaog nawh mawh cao kaing piang pui Nawh, mawh kheu ang maix lai priex ti hawt lox tawm Simiang Siyiex ka maix." <sup>15</sup>Samoelax yaog ti lih hu khaing Gilagalax mai hu ka Gibat ka haktiex Benyamin, Sawlux simin pui ot mai nawh koe been liah yieh kaux. <sup>16</sup>Sawlux mai kawn simex nawh Yawnasan khawm pui ot mai kix khawmuik, ot ka Gibat haktiex Benyamin mai pui Philitix deuh tab ka Mikhamat. <sup>17</sup>Pui naing tudrhim loe cub, haok ka tab pui Philitix, tix cub deeh veeh tix ka see Awpharax ka haktiex Shulax <sup>18</sup>mai tang cub deeh veeh tix see Biethawron mai cub pa deuk veeh tix see mee haktiex daux ngawd Zebaw ka see daux tiag. <sup>19</sup>Yam an ang lai yaox ka pui yuh kraung rhiem ka haktiex Isarelaux kudah, mawh kheu pui Philitix ah nin, "Lhat pui Hebrie yuh vaid mai pliah khankix," <sup>20</sup>pui Isarelaux

lih hu ka pui Philitix, sonsang klaing ka to thai, khaw, moe mai sivawg, <sup>21</sup> ngawh klaing ka to thai, khaw, moe mai  
1 SAMOELAX 13-14

daux taix ax. Mai an tak mawh mhai rug ka son ax.” <sup>11</sup> Kiex khawm ra jhi tokaux tix ka krungaing pau veng pui Philitix mai pui  
316

sivawg mawh tix pheen, tix pheen situ mai mau Shekhe ra loe Shekhe. <sup>22</sup> Mawh kheu nan, yam hoek singaix yuh naing, vaid lawm mai pliah ang koe ka daux taix pui pa ot tau mai Sawlux mai Yawnasan, mawh ngie Sawlux mai kawn simex nawh Yawnasan pa koe. <sup>23</sup> Tab pau veng pui Philitix hu ka krax tiang ka Mikhamat heue.

**14** *Yawnasan Pex Ka Pui Philitix*  
Tix ngaix, Yawnasan kawn simex Sawlux ah nin ka pui awn ju pa viex kraung naing nawh, “Hoek heue, ex hu ka tab pui Philitix ka plak an” Mai nawh ang kraik keeing tix mhong. <sup>2</sup> Sawlux ngawm ka praix veng Gibat greem khaox kla jiang pa koe ka yaong Migaron, pui pa ot mai nawh koe been liah yieh kaux. <sup>3</sup> Ahiyax kawn simex Ahituk puxke Ikhobok, kawn simex Phinehat, kawn simex Elix, cao giex kaing li Simiang Siyiex ka veng Shilaw ceep sibex dhah dawd taix, pui khankix ang nyang tawng lih hu Yawnasan <sup>4</sup> krax sinax gawng dee hu sawg Yawnasan ka krungaing Philitix, koe rang choek ka toi plak in plak an, tix mu mawh Bawziet mai an tix mu mawh Sena. <sup>5</sup> Rang choek an tix mu veeh tix plak blaong, see ka Mikhamat mai an tix mu veeh tix plak jee see ka Gebax. <sup>6</sup> Mai Yawnasan ah nin ka pui awn ju pa viex kraung naing nawh, “Hoek heue, kieh ax tiang ka tab pau veng pui pa ang pat hak, tee rien Simiang Siyiex ti yuh tix ceuceu ka son ax, viang pui nie angh tux angh, mawh kheu Simiang Siyiex tak ang tieb krax pa taoh ka son ax.” <sup>7</sup> Pui pa viex kraung naing nawh ah nin ka nawh, “Yuh awm pa koe rhawm maix ti yuh khawmuik, hu heue, aux tak hawt khaix maix awm pa koe rhawm maix.” <sup>8</sup> Yawnasan ah nin, “Jhak heue, kieh ax hu tiang mai sawg ka pui an khankix mai jhi tokaux ax ka kix. <sup>9</sup> Phan kix ah yuh nin ka ax, pau tom hoek ex ka pax, khaix an ax tak cung ka dee ot tix mai ax tak ang lai haok sawg ka kix. <sup>10</sup> Phan kix ah nin, haok ka yix heue mai ax tak haok ka kix, mawh kheu Simiang Siyiex tak ap kix ka

Philitix ah nin, “Jhak heue, pui Hebrie hoek khaing daux dee mox kix tix.” <sup>12</sup> Mai krungaing pau veng yo ka Yawnasan mai pui viex kraung naing nawh ah nin, “Haok ka yix heue, yix tak jhi maix yaox tix ceuceu, ” mai Yawnasan ah nin ka pui viex kraung naing tix, “Haok hawt khaix aux, mawh kheu Simiang Siyiex hoik ap kix ka daux taix Isarela.” <sup>13</sup> Yawnasan mu ti haok mai pui pa viex kraung naing nawh kawx hawt khaix nawh. Pui Philitix hoik goh ka plak sivoe Yawnasan mai pui viex kraung naing pah kix hawt khaix nawh. <sup>14</sup> Yawnasan mai pui viex kraung naing nawh pah ka pui tixnga kaux bawg tix, ka daux dahdee pa koe diag haktiex pon thai mawie. <sup>15</sup> Krax yaohyee lih koe ka daux tab, ka daux kaung mai ka sinax pui khankix, krungaing pau veng mai pui naing tudrhim kawx koe krax siyaung mai haktiex yungyiang, krax yaohyee pa ting lih koe. <sup>16</sup> Pui pa pau tab Sawlux ka Gibat haktiex Benjamin, maong ti jhak mai jhak heue, pui Philitix hu jee hu blaong tap toi ka paox tix. <sup>17</sup> Sawlux ah nin ka pui pa ot tau mai nawh khankix, “Simin tix yaox ka pui pa hoik hu khaing ex, ” yam hoik simin kix tix yaox pui, jhak heue, Yawnasan mai cao viex kraung naing nawh ang lai koe tan. <sup>18</sup> Sawlux ah nin ka Ahiyax, “Viex teug buan Siyiex hoek tin, mawh kheu singaix an, teug buan Siyiex koe tau mai pui Isarela.” <sup>19</sup> Yam kawn sikah Sawlux ka cao giex kaing li, lox sinum baoh nie lih sinyek ka daux tab Philitix mai Sawlux ah nin ka cao giex kaing li, “Deeh yoi taix maix.” <sup>20</sup> Sawlux mai pui ot mai nawh khawmuik khawm paox tix mai hu daux naing, jhak heue, pui Philitix pa giex vaid khankix ra lai pah paox tix tix kaux lai tix kaux mai krax sivix ting lih ti koe tan. <sup>21</sup> Pui Hebrie pa hoik sax ot mai pui Philitix tom sivoe an mai pui pa hu tau mai kix ka daux tab, deeh tieh ti hoek tau mai pui Isarela pa ot tau mai Sawlux mai Yawnasan. <sup>22</sup> Awm an pui Isarela pa mox tix piang gawng Epharim mhong ka to pui Philitix mai hawt pheet kix

daux naing.<sup>23</sup> Simiang Siyiex deeh taoh  
ka pui Isarelaax ka daux

14:33 Yam 9:4, Krub 7:26-27, 17:10-14, 19:26, Pi 12:16,  
23, 15:23.

317

1 SAMOELAX 14

singaix an mai naing tiang tom hoek ka Bietavin.<sup>24</sup> Pui Isarelaax hoik kharhawm tix singaix an, kheu kieh Sawlux pui khankix tiextu ah nin, "Phan pui mawx ih priex sivoie ang nyang hoek plak bo, sivoie ang aux nyang pawk bix ka pui koeng tix, kieh pui an pon pa jhaxlawg," mawh kheu nan, pui khankix tom ang ih priex.<sup>25</sup> Pui khawmuik hoek ka daux tiag ka dee koe rawm hia.<sup>26</sup> Yam laig pui khankix ka daux tiag, jhak heue, rawm hia hoik jah ti lih, viang mawh nan, ang koe pui pa teei ti sau daux jheeh tix, kheu lhat kix ka lox pa tiextu.<sup>27</sup> Viang mawh nan, Yawnasan ang nyang mhong ka lox tiextu keeing tix ka pui khankix mai nawh teei khaox grix tix mai cih ka khlawp rawm kaing hia, teei ka taix mai sau ka daux jheeh tix mai ngai nawh riang haing kah.<sup>28</sup> Pui tix kaux ah nin, "Keeing maix hoik yuh krax tiextu pa kied kin ka pui khankix ah nin, kieh krax jhaxlawg hoek ka pui pa ih priex ka daux in singaix, pui khankix kawx hoik yawm riang kukaux."<sup>29</sup> Yawnasan ah nin, "Keeing aux hoik tawx krax pa kha rhawm ka pui haktiex, jhak ti yaox ngai aux hoik riang haing kheu hoik cim aux ka rawm hia in ceeix ngie."<sup>30</sup> "Phan pui khankix ih ka can pa pon rhim tix khaing pui koeng kix daux in singaix mawh pa kied mhawm miexding, mawh kheu yam in ex tak pon pah ka pui Philitix tomnie miexding?"<sup>31</sup> Daux singaix an, kix pah ka pui Philitix, jah ka Mikhamat tom hoek Ayalo, pui khankix hoik kied yawm riang,<sup>32</sup> pui kukaux niied ti hu teei kraung tudrhim tix khankix, pa mawh yung, mawie mai kawn mawie khankix mai pah piang tiex tan mai ih mai nham tau.<sup>33</sup> Kix ah nin ka Sawlux, "Jhak heue, pui khankix hoik yuh phimap mai lud ka Simiang Siyiex, kheu hoik ih kix tau mai nham," mai nawh ah nin, "Pex hoik lud mai ang kaux sijax mai hoik banglia simaox ting hoek ka aux ka daux singaix."<sup>34</sup> Sawlux ah nin, "Hu pex ka sinax pui kudah ah nin ka kix, kieh pui kukaux viex mawie mai yung mai pah ti ih tin, pawyuh phimap mai pawlud ka Simiang Siyiex ka pa

ih nex tau mai nham, pui kukaux tang viex mawie tix hoek daux sawm an mai pah tan.<sup>35</sup> Sawlux sum khu dee tan son Simiang Siyiex, in mawh khu dee tan pa sum nawh bawg tix son Simiang Siyiex heue.<sup>36</sup> Sawlux ah nin, "Kieh ex lih hu hawt khaix pui Philitix daux ponsawm mai yuh kix lauxleeing tom bah rieng praix, paw lai kieh ex prah kix tix kaux kawx." Kix pawk ah nin, "Yuh awm pa hoik yaox maix mawh pa mhawm ka maix." Cao giex kaing li ah nin, "Kieh ex greed tix dex ka Siyiex."<sup>37</sup> Sawlux chawckheng ka Siyiex, "Mawh khaw aux ti lih pheet ka pui Philitix lie? Mawh sang ap Maix kix ka daux taix pui Isarelaax lie? Nawh Cao ang pawk lox nawh daux singaix an."<sup>38</sup> Sawlux ah nin, "Pex pa mawh cao kaing pui hun hoek tin, kieh ex tawng mawh pui mawx pa yuh phimap in singaix."<sup>39</sup> Awm im ju Simiang Siyiex Cao pa taoh ka Isarelaax, viang krax lud an koe ka kawn simex aux Yawnasan kawx nawh tak yum tete. Viang mawh nan, daux sinax pui ang koe pui pa pawk lox nawh tix kaux kawx.<sup>40</sup> Sawlux ah nin ka pui Isarelaax khawmuik, "Kieh pex ot tix plak, aux mai kawn simex aux Yawnasan tak ot tix plak. Pui khankix deeh pawk ah nin ka Sawlux, "Yuh awm pa yaox maix mawh pa mhawm ka maix."<sup>41</sup> Mawh kheu nan, Sawlux ah nin, "Simiang Siyiex, Siyiex pui Isarelaax eue, jhi daux krax pa khaw ka aux liak," mai niep caw ka Sawlux mai Yawnasan, viang mawh nan, pui hun khankix klawd cie tix.<sup>42</sup> Sawlux ah nin, "Yuh niep ka sinax aux mai kawn simex aux Yawnasan" mai niep caw ka Yawnasan.<sup>43</sup> Khaix an Sawlux ah nin ka Yawnasan, "Krai pa hoik yuh maix ka aux." Yawnasan krai ah nin ka nawh, "Aux cim ti yaox rawm hia kawb mai toh khaox grix pa koe daux taix tix ceeix khaing, son in aux tak kham tix yum kah."<sup>44</sup> Sawlux ah nin, "Yawnasan eue, phan maix ang yum tete, Siyiex baux nie yuh pa nielheu khaing an ka aux."<sup>45</sup> Pui khankix ah nin ka Sawlux, mawh sang khaw Yawnasan pa hoik yuh buanson krax taoh pa kied ting ka pui

Isarelaṅ ti yum lie? Ang doḥ khaw ti mawh nan! Awm im ju Simiang Siiyex hauk

1 SAMOELAX 14-15

kaing nawh tak ang cod piang tiex tix nyaing kawx, mawh kheu hoik yuh nawh kaing pa kied koe min tau mai Siiyex tom in singaix. Pui hun khankix deeh taoh Yawnasan mai nawh ang lai yaox ti yum. <sup>46</sup> Sawlux deeh ing khaing pheet tix ka pui Philitix mai pui Philitix kawx deeh ing ka dee ot tix heue. <sup>47</sup> Yam kuang Sawlux ka pui Isarelaṅ, nawh puing ka pui koeng tix kudah, pa mawh pui Mawbax, pui Amon, pui Edom mai simiang Zawba mai pui Philitix, yam veeh simiang tix plak mawx angah nie kieh kix som. <sup>48</sup> nawh koe rhawm vao rhawm kua mai puing ka pui Amaliet mai deeh taoh pui Isarelaṅ khaing taix pui tudrhim khankix. <sup>49</sup> Kawn simex Sawlux mawh Yawnasan, Ishavi, Malakhishua mai ceukaux kawn sibun liang nawh mawh Merabax mai ceukaux kawn sibun iak nawh mawh Mikhalax. <sup>50</sup> Ceukaux moeng Sawlux mawh Ahinawm kawn sibun Ahimat. Mai ceukaux cao kaing naing nawh mawh Abana kawn simex Nerax pa mawh keeing ting Sawlux. <sup>51</sup> Kisha mawh keeing Sawlux mai Nerax mawh keeing Abana kawn simex Abielax. <sup>52</sup> Glang baux im ju Sawlux nawh yaox ti yuh naing tom kin mai pui Philitix, yam yaox Sawlux pui pa ting riang tix kaux kaux, phan ang mawh nan, pui vao tix kaux kaux, nawh laug ti deuh sonsang shiao son tix heue.

### **Siiyex Tik Sawlux**

Samoelax ah nin ka Sawlux, "Simiang Siiyex ploiaux hoek groi rawm bee mai yaog maix mawh simiang piang ceu pui cie Nawh Isarelaṅ. Yam in nghiet ka lox Simiang Siiyex." <sup>2</sup> Simiang Siiyex Cao krunaing raoma ah nin, "Aux tak ciyang ka Amaliet ka pa tiebtie kix krax pa lih pui Isarelaṅ khaing Ejiptux. <sup>3</sup> Yam in hu puing ka pui Amaliet mai yuh can pakoe kix lauxlak pakleeing khawmuik mai paw lhawk ka kix, pah kix khawm simex sibun, kawn nyawm iak mai kawn ngie pa kawn peuex, khawm mawie, yung, kala-uk mai la khankix." <sup>4</sup> Mai Sawlux khrawm ka pui khankix mai simin ti yaox kix ka veng Teleng

mai pon lien krunaing caong ra sien kaux mai lien pui Yudax tixmheen kaux. <sup>5</sup> Sawlux hoek

15:1 1Sa 10:1. 15:2 Lih 17:8-14; Pi 25:17-19.

318

ka veng pui Amaliet mai kix pau ti yuh naing jawm ka daux ngawd. <sup>6</sup> Sawlux ah nin ka pui Keni, "Lih hu, gah pex khaing sinax pui Amaliet, aux lhat ti yuh pex lauxleeing mai kix, mawh kheu hoik jhi pex krax cauxrhawm ka pui Isarelaṅ yam lih kix khaing Ejiptux." Mawh kheu nan, pui Keni kawx lih hu khaing sinax pui Amaliet. <sup>7</sup> Sawlux puing ka pui Amaliet, jah khaing Havilax tom hoek ka Shurax ka plak toh Ejiptux. <sup>8</sup> Nawh pongiex im ka Agat simiang pui Amaliet mai pah pui meung khankix yum ka lawm vaid. <sup>9</sup> Viang mawh nan, Sawlux mai pui nawh khankix lhawk ka simiang Agat mai yung pa kied mhawm, mawie, kawn yung pa kied kluing mai can pa mhawm khawmuik, kix ang rhawm yuh lauxleeing khawmuik, kix yuh ngie pa seeing tix kah mai pa ang koe ceecak khankix lauxleeing heue. <sup>10</sup> Gumlox Simiang Siiyex lih hoek ka Samoelax, <sup>11</sup> "Aux lauxrhawm ka hoik kieh Tix Sawlux mawh simiang, mawh kheu hoik veeh nawh ti khaing pa hawt khaix Aux mai ang yuh hawt awm lox pingnyap Aux." Samoelax kied lauxrhawm mai nawh yiem ka plak sivoe Simiang Siiyex leeingsawm. <sup>12</sup> Samoelax kaoh ponggawb caocao hu sipub ka Sawlux mai pui tix kaux ah nin ka Samoelax, "Sawlux hoik hu ka veng Khamelax, jhak heue, nawh sum mhai pa doḥkeud ka son tix mai deeh veeh ti tiang mai hu ka plak veng Gilagalax." <sup>13</sup> Samoelax hoek ka Sawlux mai Sawlux ah nin ka nawh, "Kieh Simiang Siiyex nawb buan ka maix, aux hoik yuh awm lox pingnyap Simiang Siiyex." <sup>14</sup> Samoelax ah nin, "Phan mawh nan lox riag yung mai lox bawh mawie pa mhong aux ka yhaok tix mawh patix?" <sup>15</sup> Sawlux ah nin, kix hoik viex an khankix khaing pui Amaliet, mawh kheu pui khankix lhawk ka yung mai mawie pa kied mhawm sonsang tan ka Simiang Siiyex maix mai pa kawn deuk khankix yix hoik yuh lauxlak pakleeing." <sup>16</sup> Khaix an Samoelax ah nin ka Sawlux, "Ot yawg ha, Aux kra i maix mhong pa hoik kra i Simiang Siiyex ka aux



daux sawm in, " Sawlux ah nin ka nawh, "Krai heue, " <sup>17</sup> Samoelax ah nin, "Viang maix mawh pa iak ka daux ngai tokaux tix kawx maix

Samoelax sang veeh ti hu, Sawlux hawt bluh caong sibex nawh mai sibex nawh kawx gria. <sup>28</sup> Samoelax ah nin, "Simiang Siyiex hoik riah meung haktiex Isarelax khaing maix in

16

hoik mawh cao kaing doeh nyiexma pui Isarelax mai Simiang Siyiex hoik groi rawm bee ka maix sonsang mawh maix simiang piang pui Isarelax ang mawh lie? <sup>18</sup> Simiang Siyiex ploi maix hu yuh kaing ah nin, hu mai yuh pui Amaliet pa mawh pui ting map lauxleeing mai puing ka kix tom lauxleeing kix, <sup>19</sup> maix ang lai cu nghiet ka lox Simiang Siyiex mai maix lai teei kraung pa tudrhim an mai yuh pa caoxcaig ka plak sivoe ngai Simiang Siyiex yuh ka mawh lie?" <sup>20</sup> Sawlux ah nin ka Samoelax, "Aux hoik cu nghiet ka lox Simiang Siyiex mai aux hoik hu yuh ka kaing pa ploi Simiang Siyiex aux yuh mai hoik viex Agat simiang pui Amaliet mai aux hoik yuh pui Amaliet khankix lauxleeing." <sup>21</sup> Viang mawh nan, pui khankix hoik teei kraung pa tudrhim pa mawh yung, mawie mai can pa kied mhawm pa caw ti yuh lauxleeing sonsang tan ka Simiang Siyiex maix ka Gilagalax." <sup>22</sup> Samoelax ah nin, "Mawh pa khawrhawm Simiang Siyiex ka krax tan pa gleeing mai krax tan pa appong khaing pa cu nghiet ka lox Simiang Siyiex lie? Jhak heue, krax cu nghiet nielheu mhawm khaing krax pa appong mai pa nghiet nielheu mhawm khaing khlawp bee yung mhaing. <sup>23</sup> Mawh kheu pa tiehfeen awm phimap pa yuh phicaox mai pa kiienrhawm awm phimap pa caox mai pa krub rieanggrang, mawh kheu hoik thiang maix ka gumlox Simiang Siyiex, Nawh kawx thiang ka simiang pa mawh maix." <sup>24</sup> Sawlux ah nin ka Samoelax, "Aux hoik yuh phimap, mawh kheu aux hoik lud ka lox tawm pingnyap Simiang Siyiex mai ka maix, mawh kheu lhatgraung aux ka pui hun mai cu nghiet ka lox kix. <sup>25</sup> Yam in aux rawg maix pluatploi ka phimap tix mai deeh hoek ka aux, sonsang krub aux ka Simiang Siyiex." <sup>26</sup> Samoelax pawk ah nin ka Sawlux, "Aux tak ang deeh hoek ka maix, mawh kheu maix hoik thiang ka gumlox Simiang Siyiex mai Simiang Siyiex hoik thiang maix khaing pa mawh maix simiang piang pui Isarelax." <sup>27</sup>

singaix mai tawx ka paox plawg maix, pui pa nie mhawm khaing maix." <sup>29</sup> Nawh Cao pa mawh riang rao Isarelax ang lai pielhen mai ang tiehloh krax keud Tix, mawh kheu ang Nawh mawh kawn pui mai ang tiehloh krax keud Tix." <sup>30</sup> Sawlux ah nin, "Aux hoik yuh phimap, yam in deeh tawx min plakngai ka aux ka plak sivoe ngai kuad song pui aux khankix mai ka plak sivoe pui Isarelax, deeh hoek mai aux sonsang krub aux ka Simiang Siyiex, Siyiex maix." <sup>31</sup> Samoelax deeh hawt khaix Sawlux mai Sawlux krub ka Simiang Siyiex. <sup>32</sup> Samoelax ah nin, "Viex Agat simiang pui Amaliet hoek ka aux." Agat hoek ka nawh mai pa gauxrhawm ah nin, "Krax yum pa kied langteung hoik luan khaing aux." <sup>33</sup> Samoelax ah nin, "Awm hoik yuh lawm vaid maix sibun khankix ang koe kawn, mawh kheu nan, miex maix tak ang lai koe kawn sinax sibun khankix." Mai Samoelax gaing ka Agat lih mawh baux mawx baux an sivoe Simiang Siyiex ka Gilagalax. <sup>34</sup> Khaix an, Samoelax hu ka Ramax mai Sawlux kawx deeh ing ka nyiex haw tix ka Gibat. <sup>35</sup> Samoelax ang lai yaox ka Sawlux tom hoek singaix yum nawh tix bawg kawx mai Samoelax hoik khurphawm son Sawlux. Simiang Siyiex kawx lauxrhawm kheu grawng kieh Tix Sawlux mawh simiang piang pui Isarelax heue.

**Yaog Davit Mawh Simiang**

Simiang Siyiex ah nin ka Samoelax, "Mawh kawn sang khurphawm maix son Sawlux miexgrheeng, aux hoik thiang ka nawh khaing pa mawh nawh simiang piang pui Isarelax ang mawh lie? Sau bee naog ka daux lawk rung mai lih hu, Aux sang ploi maix hu ka Yesie, pui veng Bieliehiem, mawh kheu Aux hoik khrierien simiang son tix khaing sinax kawn simex nawh khankix." <sup>2</sup> Samoelax ah nin, "Aux sang pon hu yuh ka mawx? Phan Sawlux mhong ka an, nawh tak pah ka aux." Simiang Siyiex ah nin, "Teei mawie shiang viex hu mai maix tix mu ah nin, aux hoek ti tan ka Simiang Siyiex <sup>3</sup> mai

ghaok Yesie hoek ka deeyuh kraxtan, Aux tak jhi maix yaox pa sang caw maix ti yuh, maix tak groi rawm bee ka pui pa ciak Aux ceukaux ka maix.”<sup>4</sup> Samoelax hoik yuh ceu

1 SAMOELAX 16-17

an awm pa hoik tawm Simiang Siyiex mai hoek ka Bieliehiem mai kuad riex ju veng an khankix hoek rieb nawh mai sikua ti ah nin, “Mawh hoek maix ka daux pa nhim lie?”<sup>5</sup> Samoelax pawk ah nin, “Hoek daux pa nhim, aux hoek sonsang yuh krax tan ka Simiang Siyiex, kieh tokaux pex singax mai hoek ka aux ka deeyuh krax tan.” Nawh yuh kieh Yesie mai kawm simex nawh khankix singax mai ghaok kix hoek ka krax tan.<sup>6</sup> Yam hoik hoek kix, nawh jhak ka Eliabax mai keud ah nin, “Pui pa sang groi Simiang Siyiex bee kah hoik ot plak sivoie Siyiex tete.”<sup>7</sup> Viang mawh nan, Siyiex ah nin ka Samoelax, “Paw jhak pakpeung ngai baoh mai krax lhaong jung, Aux hoik thiang ka nawh, mawh kheu pa yaox Siyiex ang awm pa yaox kawm pui, kawm pui jhak ka grang pakpeung plak praix, viang mawh nan, Simiang Siyiex jhak ka daux rhawm.”<sup>8</sup> Yesie kok ka Abinadat mai kieh nawh hu ka sivoie Samoelax mai nawh ah nin, “Simiang Siyiex ang laug ka pui in.”<sup>9</sup> Yesie baoh kieh Shama tiang ti hu, nawh ah nin, “Simiang Siyiex ang laug ka pui in.”<sup>10</sup> Yesie kieh kawm simex tix aliah kaux tiang hu ka plak sivoie Samoelax, Samoelax ah nin ka Yesie, “Simiang Siyiex ang laug ka pui in khankix.”<sup>11</sup> Samoelax chawk ka Yesie ah nin, “Mawh koe kawm simex maix tin khawmuik lie?” mai nawh ah nin, “Kawm deuk ngie kawm ghoik, jhak heue, nawh kawm liang yung khankix.” Samoelax ah nin ka Yesie, “Ploi pui hu kok ka nawh, mawh kheu ex tak ang nyang ngawm tom hoek nawh tin.”<sup>12</sup> Nawh ploi pui hu kok mai viex nawh hoek plak daux. Davit raoh hauk kaing mai ngai baoh nawh jiet mhawm, pakpeung grang tokaux nawh mhawm ti jhak, Simiang Siyiex ah nin, “Kaoh mai groi bee ka nawh, in mawh nawh.”<sup>13</sup> Samoelax teei bee khaing lawk rung mai groi piang nawh ka sigreung puxke nawh khankix mai khuan Simiang Siyiex

lih hoek piang Davit mai Samoelax yaog ti kaoh deeh ingka veng Ramax.

### ***Khuan Caox Tuktiak Ka Sawlux***

<sup>14</sup>Khuan Simiang Siyiex lih hu khaing Sawlux mai khuan caox khaing Simiang Siyiex tuktiak ka nawh.<sup>15</sup> Siliex Sawlux  
320

ah nin ka nawh, “Khuan caox khaing Siyiex hoik tuktiak ka maix.<sup>16</sup> Kieh cao simiang ex tawm lox ka siliex tix khankix pa ot ka sivoie maix sonsang sawg ka pui min ka pajiet chix tah ting sideet mhawm lox, nawh tak tah ting sideet an yam hoek khuan caox khaing Siyiex ti tuktiak ka maix, maix tak nyawmrhawm kah.”<sup>17</sup> Sawlux ah nin ka siliex tix khankix, “Sawg pui pa jiet chix tah ting sideet tix kaux mai viex nawh hoek ka aux.”<sup>18</sup> Pui tix kaux khaing daux siliex nawh, pawk lox ah nin, “Jhak heue, aux hoik yaox kawm simex Yesie pui veng Bieliehiem pa mawh pui min ka pa chix tah ting sideet mhawm mhawm, nawh mawh pui vao ka naing tix kaux mai pa chix sikah mai mawh pui mhawm ngai baoh, Simiang Siyiex ot tau mai nawh.”<sup>19</sup> Mawh kheu nan, Sawlux ploi siliex ti hu ka Yesie ah nin, “Ploi kawm simex maix Davit pa mawh pui liang yung hoek ka aux.”<sup>20</sup> Yesie teei la tix mu mai tang blah piang an tau mai singien hakrawm plix siiet mai kawm pex mai ap an ka Davit sonsang tawx ka Sawlux.<sup>21</sup> Davit hoek ka Sawlux mai cung ka plaksivoie nawh, Sawlux kied moh ka nawh sigrien sigre mai nawh lih ti mawh pa klawm kraung naing Sawlux.<sup>22</sup> Mai Sawlux ploi pui hu ka Yesie ah nin, “Kieh Davit ot tau mai aux, mawh kheu aux khawrhawm ka nawh.”<sup>23</sup> Yam hoek khuan caox khaing Siyiex piang Sawlux yam mawx ang ah, Davit teei ti tah ting sideet, mawh kheu Sawlux lih tix nyawmrhawm mai deeh moi nyawm ot, khuan caox kawx lih khaing nawh heue.

### ***Davit Mai Gawliax***

**17** Pui Philitix khrawm krungaing tix ka Sawkhaw haktiex Yudax mai kix yuh tab sinax Sawkhaw mai Azeka ka haktiex Ephidamim.<sup>2</sup> Sawlux mai pui Isarela khrawm paox tix mai yuh tab ka daux ngawd Elax sonsang yuh naing ka pui Philitix.<sup>3</sup> Pui Philitix cung piang gawng tix

plak mai pui Isarela kax cung piang gawng an tix plak mai ngawd khan sinax kix. <sup>4</sup> Koe pui tix kaux pa kaux Gawliax mawh pui vao ka naing pa mawh pui veng Gata pa lhaong liah sawktix diex, lih khaing

son cao kaing pui naing tixrheng. Jhak tix yaox krax ot krax koe puxke maix khankix mai deeh viex gawng tix ceuceu khaing kix.” <sup>19</sup> Sawlux mai pui nawh khawm pui Isarela ot ka daux ngawd Elax, puing paox tix mai pui Philitix. <sup>20</sup> Davit kaoh ponngawb  
321

1 SAMOELAX 17

tab pui Philitix. <sup>5</sup> Nawh ceep mhok tawng lheung ka kaing tix mai ceep sibex plah tawng pa cien phuan rheng shekhe. <sup>6</sup> Chup tawng lheung ka caong tix mai kawg pliah tawng ka klip tix. <sup>7</sup> Krong pliah an awmblax taing mai to pliah cien liah yieh shekhe mai pui giex pliah rhiem tiebtie tix kaux hu sivoe nawh, <sup>8</sup> nawh cung mai yolox tix hu ka plak pui Isarela ah nin, “Pex lai hoek ti yuh naing yuh ka mawx lie? Ang aux mawh pui Philitix mai ang pex mawh siliex Sawlux lie? Laug pui tix kaux khaing pex mai ploinawh lih hoek ka aux. <sup>9</sup> Phan nawh pex puing ka aux mai pah ka aux, yix tak mawh siliex pex mai phan aux pex nawh mai pon pah ka nawh, pex tak mawh siliex yix mai yuh kaing jhaw yix.” <sup>10</sup> Pui Philitix an ah nin, “Aux tak grhiem kranaing pui Isarela in singaix, tawx pui tix kaux sonsang puing yiex paox tix.” <sup>11</sup> Yam mhong Sawlux mai pui Isarela ka lox krai pui Philitix an, kix kied voirhawm mai lhatgraung kah. <sup>12</sup> Davit mawh kawn simex Yesie pa mawh pui Epharax veng Bieliehiem haktiex Yudax mai nawh koe kawn simex daix kaux. Pui an hoik kuad mai hoik riex ju sipie baux singaix im ju Sawlux. <sup>13</sup> Kawn simex ting Yesie loe kaux hoik hawt khaix Sawlux ka biang naing, ceukaux kawn simex nawh loe kaux pa hu daux naing pa mawh kawn Ai nawh Eliabax mai khaix nawh mawh Aminadat mai loe kaux tix kaux mawh Shana. <sup>14</sup> Davit mawh kawn ghoik, pa ting loe kaux hoik hawt Sawlux. <sup>15</sup> Viang mawh nan, Davit deeh ing khaing Sawlux sonsang ing liang yung keeing tix ka Bieliehiem. <sup>16</sup> Pui Philitix an lih jhi tokaux tix ka daux tixpon ngaix, ponngawb tix bawg mai ponbo tix bawg. <sup>17</sup> Yesie ah nin ka kawn simex tix Davit, “Tei maix viex sok sivawng diag in tix epha, blah kao lon inkix mai niied ti hu tawx ka puxke maix khankix ka biang naing, <sup>18</sup> viex kang rawm teeih kao khlawp

caocao mai prah yung khankix ka cao liang yung mai viex pa ih lih hu awm lox tawm Yesie ka nawh mai nawh hoek ka daux tab bawgyam kawn taug hu kix sonsang puing tix naing mai kix yolox sinum son naing. <sup>21</sup> Pui Isarela mai pui Philitix tang khre kranaing sonsang puing ka paox tix. <sup>22</sup> Davit ap pa ih pa viex tix ka cao priex pa ih tab mai niied ti laig sinax pui naing mai singeuh taix puxke tix khankix. <sup>23</sup> Yam kawn sikhah nawh mai kix, jhak heue, pui vao khaing pui Philitix pui veng Gata pa mawh Gawliax lih hoek khaing pui naing Philitix mai krai lox awm pa hoik krai tix sivoe mai Davit kawx mhong kah. <sup>24</sup> Yam yaox pui Isarela ka pui an mai kix to hu khaing nawh, kheu kied ting lhatgraung kix kah. <sup>25</sup> Pui Isarela khankix ah nin, “Hoik yaox pex ka pui pa lih hoek an lie? Nawh hoik lih hoek, silah ka pui Isarela tete, pui pa pon pah ka nawh, simiang tak tawx mau khri ka nawh tomnie mai nawh tak tawx kawn sibun tix ka nawh mai kieh nyiexma keeing nawh lawdluan khaing kaing jhaw daux pui Isarela.” <sup>26</sup> Davit ah nin ka pui pa cung dex nawh, “Son pui pa sang pah ka pui Philitix in mai tei ti tik ka ceu pa salao khaing pui Isarela, tak sang pon buanson pa yuh ka mawx lie? Mawh kheu pui Philitix pa ang pat hak in, nawh khex pon silah ka kranaing Siyiex pa im ju lie?” <sup>27</sup> Pui hun pawk lox nawh awm pa hoik ah kix phaoka ah nin, “Pui pa pon pah ka nawh tak pon buanson pa hoik ah kix.” <sup>28</sup> Eliabax puxke ting Davit hoik mhong yam sikhah nawh ka pui khankix mai Eliabax kied songrhawm ka Davit ah nin, “Mawh hoek maix tin kheu patix? Prah maix yung pa ang nie an ka daux tiag mai pui mawx? Aux tawng pa ca nyhau maix mai pa caoxcaig khaing daux rhawm maix, mawh kheu lih hoek maix sonsang kia tix ka naing.” <sup>29</sup> Davit ah nin, “Mawh hoik yuh aux patix? Mawh ang aux

pon sikah tix gum kawx lie?"<sup>30</sup> Davit deeh veeh tix khaing nawh mai hu ka tang kaux mai chawx awm pa chawx phaoka mai pui hun pawk ka nawh awm phaoka.<sup>31</sup> Yam mhong kix lox kraai Davit, kix hu kraai an ka sivoe ngai Sawlux mai ploi pui hu kok ka Davit.<sup>32</sup> Davit

## 1 SAMOELAX 17

ah nin ka Sawlux, "Paw kieh pui khurphawm tix kaux kawx kheu kaw in, siliex maix tak hu puing ka pui Philitix an."<sup>33</sup> Mai Sawlux ah nin ka Davit, "Maix ang tau ti pon hu puing ka pui Philitix an, mawh kheu kawn mawh maix kawn nyawm mai nawh hoik sax mawh pui naing jah tom yam iak tix."<sup>34</sup> Davit deeh pawk ah nin ka Sawlux, "Siliex maix hoik dawg mawh cao liang yung keeing tix, yam hoek sivai sangsi mai krih ti sang kiied ka kawn yung khaing phung yung,<sup>35</sup> aux hawt pheet an mai pah kah mai deeh taoh kawn yung khaing daux jheeh nawh, yam kaoh yuh nawh ka aux mai aux giex hauk bheep nawh mai lah nawh tom yum."<sup>36</sup> Siliex maix hoik pah sivai sangsi mai krih, pui Philitix pa ang nyang pat hak in kawx tak awm totiag ankix tix mu khaing, mawh kheu nawh hoik silah ka krunaing Siyiex pa im ju."<sup>37</sup> Davit ah nin, "Simiang Siyiex Cao pa taoh aux khaing taix sivai sangsi mai krih, tak taoh aux khaing taix pui Philitix." Sawlux ah nin ka Davit, "Hu heue, Simiang Siyiex tak ot tau mai maix."<sup>38</sup> Mai Sawlux tawx Davit ceep kraung naing tix mai ceep mhok tawng lheung piang kaing nawh mai kieh ceep sibex rhiem.<sup>39</sup> Davit phiawk vaid tau mai kraung naing, nawh cheu ti hu kawx ang chix, mawh kheu ang nawh sax ceep, Davit ah nin ka Sawlux, "Aux ang pon hu kheu ceep tix kraung inkix, mawh kheu ang aux nyang meed," mai Davit peeik ka kraung ankix.<sup>40</sup> Mai giex khaox grix daux taix tix mai laug simaox lawmle phuan mu daux klawng mai sau ka daux bau liang yung pa kawg tix, nawh giex ak maox vudvied mai greed hoek dex ka pui Philitix.<sup>41</sup> Pui Philitix hoek dex ka Davit mai cao giex plah rhiem tiebtie cie nawh lih hu ka plak sivoe nawh.<sup>42</sup> Yam jhak pui Philitix an ka Davit mai iak jhak ka nawh kheu mawh Davit pui awn ju mai raoh hauk

kaing, grang pakpeung kawx mhawm ti jhak.<sup>43</sup> Pui Philitix ah nin ka Davit, "Mawh aux sox lie? maix lai viex khaox hoek ka aux." Pui Philitix an jhaxlawg Davit ka daux ceukaux siyiex tix.<sup>44</sup> Pui Philitix ah nin ka Davit, "Hoek ka aux, aux tak tawx nex maix ka sim raoma mai ka totiag ka daux tiag."<sup>45</sup> Davit

## 322

ah nin ka pui Philitix, "Maix hoek ka aux tau mai vaid pliah mai plah rhiem tiebtie, viang mawh nan, aux hoek ka maix ka daux min ceukaux Simiang Siyiex Cao krunaing raoma, Siyiex pui Isarelix, pui pa silah maix kah,"<sup>46</sup> in singaix Simiang Siyiex tak ap maix ka daux tawm taix aux, aux tak pah maix mai kid kaing maix, aux tak tawx tokaux yum krunaing pui Philitix khankix ka sim raoma mai ka totiag pa koe piang haktiex sonsang tawng pui haktiex koe Siyiex ka daux pui Isarelix.<sup>47</sup> Pui hun tak tawng Simiang Siyiex ang taoh pui ka vaid lawm mai pliah, mawh kheu pa yuh naing mawh cie Simiang Siyiex mai Nawh tak ap maix ka daux taix yix."<sup>48</sup> Pui Philitix kaoh greed ti dex sonsang yuh ka Davit, Davit niied ti to ka see pui naing sonsang yuh ka pui Philitix.<sup>49</sup> Davit cawx ti teei simaox tix lon daux bau tix mai vudvied ka simaox an mai hu krox ka dongre pui Philitix mai laig ka dongre nawh mai nawh gohgup pakngai tix piang tiex.<sup>50</sup> Davit hoik pex pui Philitix ka ak maox vudvied mai lon simaox tix mu mai pah ka nawh, yam an vaid lawm ang koe ka daux taix Davit.<sup>51</sup> Davit niied ti to cung piang pui Philitix an mai lawd vaid tix pah nawh mai kid kaing nawh. Yam yaox pui Philitix hoik yum pui naing vao kix mai kix tang to hu.<sup>52</sup> Pui Isarelix mai pui Yudax kaoh mai yolox tix pheet ka pui Philitix tom hoek ka Gata mai hoek ka siviex veng Ekaron, pui Philitix pa mat khankix goh hawt krax ka veng Sharem tom hoek ka veng Gata mai veng Ekaron.<sup>53</sup> Pui Isarelix kaoh khaing pheet tix ka pui Philitix mai kix rhim ka nyiex goxkix.<sup>54</sup> Davit teei kaing pui Philitix an mai viex hoek ka veng Yerusalieim, viang mawh nan, nawh deuh kraung naing Gawliax ka nyiex gox man tix.<sup>55</sup> Yam yaox Sawlux lih hu puing Davit ka pui Philitix an, nawh chawx ka Abana cao kaing naing ting tix ah nin,

“Abana eue, kawn nyawm in mawh kawn simex pui mawx?” Abana pawk ah nin, “Simiang eue, awm im ju maix aux ang tawng.”<sup>56</sup> Simiang ah nin, “Chawkcheng tix yaox ka kawn nyawm in mawh kawn simex pui mawx.”<sup>57</sup> Yam deeh hoek Davit khaing pah tix pui Philitix an, Abana teei ka nawh

mai viex hoek ka plak sivoe Sawlux tau mai kaing pui Philitix pa koe daux taix nawh.<sup>58</sup> Sawlux ah nin ka nawh, “Kawn nyawm eue, mawh maix kawn simex pui mawx.” Davit deeh pawk ah nin, “Aux mawh kawn simex siliex maix Yesie pui veng Bieliehiem heue.”

#### **Sawlux Sauxrhawm Ka Davit**

**18** Yam hoik sikah nawh ka Sawlux, rhaomrhi Yawnasan hoik pid ka rhawmrhi Davit mai Yawnasan hoik moh nawh awm moh ka ju tix.<sup>2</sup> Sawlux hoik teei Davit ot mai tix ka daux singaix an mai ang lai kieh nawh ing ka nyiex keeing tix.<sup>3</sup> Khaix an, Yawnasan yuh sijax mukheu mai Davit, mawh kheu moh nawh Davit awm moh nawh ka ju tix.<sup>4</sup> Yawnasan peeik sibex dhah tix mai kraung naing ceep nawh tau mai vaid, ak mai maox rawd nyoi nawh tawx ka Davit.<sup>5</sup> Davit hoik lih hu yuh kaing jhaw haokhuan ka dee ploi Sawlux nawh hu dee mawx angah mai Sawlux deuh nawh mawh cao kaing naing piang pui khankix mai in mawh pakhaw ka plaksivoengai pui mai ka plak sivoengai siliex Sawlux khankix.<sup>6</sup> Yam deeh hoek Davit khaing pah tix pui Philitix, sibun khankix lih hoek khaing veng pui Isarelaux mai rhax lairhax graoh sonsang rieb ka simiang Sawlux tau mai tah ting plah khaox mai pa gauxrhawm.<sup>7</sup> Sibun khankix rhax lairhax graoh ah nin, “Sawlux hoik pah pui kaing rheng mai Davit hoik pah pui kaing mheen.”<sup>8</sup> Sawlux kied songrhawm, ang nyawmrhawm ka lox ah nin, “Kix yaogyaw Davit pah pui kaing mheen kaing mheen mai ka son aux mawh ngie kaing rheng kaing rheng, lheu khaing meung haktiex nawh kawn sang pon patix.”<sup>9</sup> Jah ka singaix an tom hoek sivoengai, Sawlux hoik krix ngai ka yaox tix Davit.<sup>10</sup> Singaix pasax khuan caox khaing Siyiex, lih hoek piang Sawlux

mai nawh nieb krai lox jhai ka daux nyiex haw, Davit tah ting sideet awm pa hoik sax tah nawh phaoka mai Sawlux giex pliah daux taix tix<sup>11</sup> mai Sawlux keud yuh nin, “Aux tak puah Davit dex ding” mai nawh blung ka Davit, viang mawh

18:7 1Sa 21:11, 29:5.

323

1 SAMOELAX 17-18

nan, Davit pon via tix khaing sivoengai nawh ra bawg.<sup>12</sup> Sawlux lhat ka Davit, mawh kheu Siyiex ot mai Davit, Simiang Siyiex hoik lih khaing Sawlux.<sup>13</sup> Sawlux dux Davit khaing sivoengai tix mai kieh nawh mawh cao kaing naing piang pui tix rheng mai Davit lih plak praix sivoengai pui hun.<sup>14</sup> Kaing jhaw yuh Davit haokhuan ting lhaong khawmuik, kheu Simiang Siyiex ot tau mai nawh.<sup>15</sup> Yam yaox Sawlux haokhuan kaing jhaw yuh Davit, nawh lhat ka Davit.<sup>16</sup> Pui Isarelaux mai pui Yudax khankix kied moh ka Davit, mawh kheu Davit laig lih ka sivoengai kix.<sup>17</sup> Sawlux ah nin ka Davit, “Kawn sibun ting aux Merabax ot tin, aux tak tawx maix moeng, kieh maix mawh ngie pui vao ka son aux mai puing naing son Simiang Siyiex khaing.” Sawlux hoik keud yuh nin, “Paw lai kieh taix aux hoek piang nawh, kieh taix pui Philitix hoek piang nawh.”<sup>18</sup> Davit ah nin ka Sawlux, “Mawh aux pui mawx daux pui Isarelaux mai mawh paox nyiex keeing aux pui pa yuh ka mawx, aux lai khaw ti mawh kheue simiang lie?”<sup>19</sup> Yam hoek bawgyam tawx kix Davit moeng Merat, kix deeh tieh ti tawx Merat mex ka Adrelax pui Mehawlatix.<sup>20</sup> Kawn sibun Sawlux Mikhalax moh ka Davit, kix krai grawng an ka Sawlux mai nawh khawrhawm kah.<sup>21</sup> Sawlux keud ah nin, “Aux tak tawx kawn sibun tix ka Davit sonsang mawh kie ka son nawh mai taix pui Philitix tak hoek yuh ka nawh. Sawlux ah nin ka Davit ra bawg tix bawg, “Maix tak mawh kheue aux daux in singaix.”<sup>22</sup> Sawlux tawx lox ka siliex tix khankix, “Briex pex sikah ka Davit ah nin, jhak heue, simiang khawrhawm ka maix mai siliex nawh khankix kawx moh ka maix, yam in rieb maix mawh kheue simiang.”<sup>23</sup> Siliex Sawlux khankix krai Davit mhong ceu in. Davit pawk ah nin, “Mawh keud pex grawng mawh aux kheue simiang mawh ceu pa iak pa liied lie? Aux mawh pui hot mai mawh pui pa ang koe

min plakngai.”<sup>24</sup> Siliex Sawlux khankix krai grawng “Pa krai Davit ka nawh ah nin.”<sup>25</sup> Sawlux ah nin, “Pex tak krai awm inkx ka Davit, simiang ang koe rhawm ti teei kraung tittix ka son kapaox, lheu khaing toh hak pui Philitix tix

1 SAMOELAX 18-19

yieh kaux, sonsang pawk bix tix piang pui koeng nawh.” Mawh kheu Sawlux hoik keud ti kieh Davit yum ka daux taix pui Philitix.<sup>26</sup> Yam krai siliex Sawlux khankix lox in ka Davit, mawh pa khawrhawm Davit sonsang mawh kheue simiang sivoie ang bawgyam tat ti deuh nyang hoek.<sup>27</sup> Davit kaoh hu tau mai pui nawh khankix mai pah pui Philitix ra yieh mai Davit viex toh hak kix mai tawx ka simiang tom naog sonsang mawh tix kheue simiang. Mai Sawlux tawx nawh moeng kawm sibun tix Mikhalax.<sup>28</sup> Yam yaox Sawlux mai hoik tawng nawh ot Simiang Siyiex tau mai Davit mai kawm sibun Mikhalax hoik moh ka nawh,<sup>29</sup> Sawlux kawm nie baox lhat ka Davit. Mawh kheu nan, Sawlux lih ti mawh pui koeng Davit hu sipie.<sup>30</sup> Cub cao kaing pui Philitix khankix lih hu puing naing, yam lih hu kix daux naing yam mawx angah, Davit nelheu haokhuan kaing jhaw pa yuh khaing siliex Sawlux khankix mai ceukaux Davit kiedao min tete heue.

## **19 Sawlux Sawg Tix Pah Davit**

Sawlux sikah ka kawm simex tix Yawnasan mai ka siliex nawh khankix, sonsang pah kix ka Davit. Viang mawh nan, kawm simex nawh Yawnasan kied moh ka Davit.<sup>2</sup> Yawnasan krai ka Davit, “Keeing aux Sawlux sawg ti pah ka maix, mawh kheu nan, yuh satix ka tokaux tix tom hoek plak ponggawb pasax mai mox tix ot dee glip,”<sup>3</sup> “Aux tak lih cung hawt praok keeing tix daux kaung dee ot maix mai aux tak krai graw grawng maix ka keeing aux, aux tak krai maix tawng ka can pa yaox tix.”<sup>4</sup> Yawnasan krai grawng Davit ka keeing tix Sawlux mhawm mhawm ah nin, “Paw kieh simiang yuh krax lud ka siliex tix Davit, mawh kheu nawh ang yuh krax lud ka maix mai nawh yuh kaing pa mhawm piang maix.”<sup>5</sup> Mawh kheu nawh ang lai lhawk ju tix mai pah ka pui Philitix khankix, Simiang

Siyiex kieh yuh buanson krax taoh ka son ceu pui Isarela khawmuik maix hoik yaox ceu an mai hoik gauxrhawm kah, yuh patix maix lai yuh krax lud ka nham pa ang koe phimap, sonsang pah Davit ka

19:11 Yaog 59 Title. 19:24 1Sa 10:11-12.

324

daux pa ang koe grawng tittix?”<sup>6</sup> Sawlux kawx nghiet ka lox Yawnasan, nawh hoik tiextu ah nin, “Awm im ju Simiang Siyiex, aux tak ang pah ka Davit.”<sup>7</sup> Yawnasan kok ka Davit mai krai nawh mhong grawng in khawmuik. Yawnasan deeh viex Davit hoek ka Sawlux mai yaox ti ot sivoie ngai nawh awm phaoka.<sup>8</sup> Yam baox koe naing, Davit hu puing ka pui Philitix mai pah kix tomnie mai kix hoik to khaing nawh.<sup>9</sup> Khuan caox khaing Siyiex lih hoek piang Sawlux, yam ngawm nawh ka daux nyiex haw khawm giex ti pliah ka daux taix tix mai yam Davit tah ting.<sup>10</sup> Sawlux jawm ti blung Davit ka pliah dex ding, viang mawh nan, Davit via tix khaing Sawlux mai pliah laig ka ding. Davit to sonsang lawdluan tix ka daux sawm an.<sup>11</sup> Sawlux ploi pui cau khankix hu ka nyiex Davit, sonsang pau kix ti pah nawh ka daux ponggawb. Mikhalax moeng Davit ah nin ka nawh, “Phan maix ang to sonsang taoh ju tix daux sawm in, pui tak pah maix yum pasax.”<sup>12</sup> Mikhalax kieh Davit lih khaing daux siviex vawng mai nawh to singai sonsang lawdluan tix.<sup>13</sup> Mikhalax teei rieang Terax tix mu mai deuh piang ku it mai deuh mhawn gaong hauk pex ka kaing an mai lhop rieang an ka prux.<sup>14</sup> Yam ploi Sawlux pui cau khankix hu giex Davit, Mikhalax ah nin, “Nawh kawm saux.”<sup>15</sup> Khaix an Sawlux baox ploi pui cau khankix hu ka Davit ah nin, “Viex nawh hoek ka aux khawm ku it nawh, sonsang pah aux ka nawh.”<sup>16</sup> Yam laig pui cau khankix ka plak daux, jhak heue, rieang Terax koe piang ku it tau mai mhawn gaong hauk pex pa koe ka kaing an.<sup>17</sup> Sawlux ah nin ka Mikhalax, “Kheu maix lai luklik ka aux mai kieh pui koeng aux hu sonsang lawdluan tix lie?”<sup>18</sup> “Mikhalax pawk ka Sawlux ah nin, “Nawh ah nin, ploi aux hu, phan ang mawh nan, aux tak pah ka maix.”<sup>18</sup> Davit to sonsang lawdluan tix mai nawh hu ka Samoelax ka veng Ramax mai krai nawh

mhong grawng pa yuh Sawlux ka tix khawmuik. Nawh mai Samoelax lih hu ot ka yaong Nayok veng Ramax. <sup>19</sup> Kix krai Sawlux mhong grawng ot Davit ka yaong Nayok haktiex Ramax. <sup>20</sup> Sawlux ploi pui cau

khaing. <sup>4</sup> Yawnasan ah nin ka Davit, “Koe rhawm maix yuh ka mawx, aux tak yuh ka son maix.” <sup>5</sup> Davit ah nin ka Yawnasan, “Jhak heue, pasax mawh singaix haok khix khraox, aux ang khaw ti ngawm pheen mai simiang, viang mawh nan, kieh aux  
325

1 SAMOELAX 19-20

khankix hu giex ka Davit, yam yaox kix cub cao jhai ah lox jhai mai Samoelax cung ti mawh cao kaingka kix, khuan Simiang Siyiex lih hoek piang pui cau Sawlux khankix mai kix kawx ah lox jhai. <sup>21</sup> Yam krai kix an ka Sawlux, nawh baox deeh ploi pui cau tang kaux khankix mai kix kawx ah lox jhai awm an. Sawlux ploi pui cau khankix bawg loe mai kix kawx ah lox jhai awm an. <sup>22</sup> Khaix an, tokaux nawh hu ka veng Ramax mai hoek ka rawm daux ting pa koe ka Sekhu mai nawh chawk ah nin, “Ot Samoelax mai Davit dee mawx?” Pui tix kaux ah nin, “Kix ot daux yaong Nayok haktiex Ramax.” <sup>23</sup> Nawh lih khaing tan mai hu ka yaong Nayok haktiex Ramax mai khuan Siyiex kawx hoek piang nawh, nawh ah lox jhai khawm lawng tix krax tom hoek ka yaong Nayok haktiex Ramax. <sup>24</sup> Nawh peeik kraung ceep tix mai ah lox jhai sivoe Samoelax, nawh it khawm ang ti ceep kraung tix ngaix mai tix sawm. Mawh kheu nan, kix tom ah nin, “Mawh ot Sawlux sinax cao jhai khankix lie?”

**20** *Yawnasan Kaux Sijax Ka Davit*  
Khaix an Davit to khaing yaong Nayok haktiex Ramax mai hoek ah nin ka Yawnasan. “Mawh hoik yuh aux patix lie? Mawh hoik lud aux ka patix lie? mai hoik yuh aux phimap patix sivoe keeing maix, nawh lai sawg ka ju aux lie?” <sup>2</sup> Yawnasan pawk ah nin ka nawh, “Ang doh mawh nan, maix tak ang yum, jhak heue, keeing aux yuh ceu pa iak angah pa ting angah pa ang nawh kieh aux tawng ang koe, keeing aux tak mox ceu in khaing aux yuh ka mawx? An ang doh mawh nan.” <sup>3</sup> Davit tiextu ah nin, “Keeing maix hoik tawng pon aux buanson ka plaksivoengai maix mai nawh tak ah nin, “Paw kieh Yawnasan tawng ka grawng in, phan ang mawh nan, lhat nawh lauxrhawm awm im ju Simiang Siyiex mai awm im ju maix, sinax aux mai krax yum koe ngie tix diang

hu mox tix ka daux kaung tom hoek ponbo ka daux loe ngaix. <sup>6</sup> Phan keeing maix yaox ang aux ot maix tak ah nin, Davit hoik mhaing akhuang khioxkhaw ka aux, sonsang ing ka Bieliehiem veng ot tix, mawh kheu paox nyiex nawh caw ti yuh krax tan pa yuh kix ku num. <sup>7</sup> Phan nawh ah nin, mhawm heue, siliex maix tak pon lawdluan, phan nawh songrhawm, tak tawng nawh keud tix yuh pa caox. <sup>8</sup> Mawh kheu nan, cauxrhawm ka siliex maix liak, mawh kheu hoik yuh maix sijax mukheu mai siliex tix plak sivoe Simiang Siyiex, phan krax lud koe ka daux aux, kieh cao maix pah ka aux, mawh kheu maix tak viex aux ka keeing tix yuh ka mawx lie?” <sup>9</sup> Yawnasan ah nin, “Kieh an singai khaing maix! phan aux hoik kriem tawng keeing aux keud ti sang yuh pa caox piang maix, aux tak ang krai ka maix lie?” <sup>10</sup> Davit ah nin ka Yawnasan, “Phan keeing maix pawk lox kin ka maix, mawh pui mawx pa sang krai aux mhong lie?” <sup>11</sup> Yawnasan ah nin ka Davit, “Hoek heue, kieh ax lih hu ka daux kaung.” Kiex khawm ra kaux lih hu daux kaung. <sup>12</sup> Yawnasan ah nin ka Davit, “Kieh Simiang Siyiex pui Isarelaux mawh mhairug! yam mhong aux lox keeing tix bawgyam in pasax, phan ang mawh nan sikaox, jhak heue, phan mawh pa mhawm ka son Davit, aux tak ang ploi pui hoek krai ka maix lie?” <sup>13</sup> “Phan keeing aux keud ti sang yuh pa caox ka maix mai phan aux ang krai maix mhong sonsang lawdluan maix, kieh Simiang Siyiex baox lheu yuh pa kin ka aux” Yawnasan ah nin, “Kieh Simiang Siyiex ot mai maix, awm ot Nawh Cao mai keeing aux.” <sup>14</sup> “Phan aux kawm im ju jhi krax cauxrhawm Simiang Siyiex ka aux, sonsang ang aux yum.” <sup>15</sup> Paw tat krax cauxrhawm maix pa koe ka doeh nyiexma aux leeingju. Awm yam tat Simiang Siyiex ka pui koeng Davit khaing piang haktiex in, <sup>16</sup> Yawnasan yuh sijax mukheu tau mai doeh nyiexma

Davit ah nin, “Kieh Simiang Siyiex pawk bix ka pui koeng Davit khankix.”<sup>17</sup> Yawnasan baox kieh Davit tiextu kheu krax moh pa moh nawh ka Davit, mawh kheu nawh moh Davit awm moh nawh ka tokaux tix.<sup>18</sup> Khaix an, Yawnasan deeh ah nin

1 SAMOELAX 20

ka Davit, “Daux pasax, mawh singaix khix khraox, maix tak ang ot mawh kheu khaox ngawm maix kawx tak yi.<sup>19</sup> Yam hoik ot maix loe ngaix, maix tak niied ti lih hu ka dee mox maix tix ka daux singaix pa yuh ceu an mai pau hawt rang Ezelax.<sup>20</sup> Aux tak puing te loe taix hawt praok an, awm puing aux ka mhai.<sup>21</sup> Jhak heue, aux ploi kawn nyawm iak ah nin ka nawh, hu sawg ka te an phan aux ah nan ka kawn nyawm iak, jhak ka te pa koe ka praok maix hu teei mai viex hoek tin, awm im ju Simiang Siyiex maix kawx yaox ti lawdluan mai krax lhat ang lai koe son maix.<sup>22</sup> Phan aux ah nin ka kawn nyawm iak an, Jhak heue, te hoik luan ka sivoie maix, khaix an maix tak hu heue, mawh kheu Simiang Siyiex hoik ploi maix hu dee singai.<sup>23</sup> Mawh kheu grawng pa hoik sikah maix mai aux, jhak heue, Simiang Siyiex tak mawh mhai rug sinax maix mai aux leeingiu.”<sup>24</sup> Mawh kheu nan, Davit mox tix ka daux kaung mai yam hoik hoek singaix khix khraox, simiang ngawm sonsang ih priex.<sup>25</sup> Simiang ngawm piang khaox ngawm tix hawt ding awm ku bawg, Yawnasan cung mai Abana ngawm ka praok Sawlux, viang mawh nan dee ngawm Davit hoik yi.<sup>26</sup> Sawlux ang lai ah lox tittix ka daux singaix an, mawh kheu hoik keud nawh, Tee koe grawng tix ceu ka Davit, nawh tee ang singax, nawh tee ang singax.<sup>27</sup> Daux singaix khaix, khix khraox ra ngaix tix ngaix, dee ngawm Davit hoik baox yi. Sawlux ah nin ka kawn simex tix Yawnasan, “Kheu kawn simex Yesie ang hoek ti ih priex kawx mai in singaix jao patix?”<sup>28</sup> Yawnasan pawk ka Sawlux ah nin, “Davit hoik mhaing akuhang khioxkhaw ka aux, sonsang hu ka Bieliehiem,”<sup>29</sup> Nawh ah nin, “Kieh aux hu yuh krax tan tau mai paox nyiex aux khankix ka daux veng kheu puxke aux hoik tawm lox sonsang hoek aux tan. Phan aux mawh pa pon buanson ka sivoie ngai maix,

kieh aux hu yaox ka puxke tix khankix. Mawh kheu jao in nawh tom ang hoek ka pheen sawm simiang.”<sup>30</sup> Sawlux kied songrhawm ka Yawnasan mai ah nin ka nawh, “Maix pa mawh kawn simex bun lukliak, mawh ang aux tawng laug maix kawnsimex

326

Yesie mawh krax kaig tua ka tokaux tix mai kieh vaig miex tix kaig lie?”<sup>31</sup> “Glang yam kawn im ju kawn simex Yesie piang haktiex in maix angah, meung haktiex maix angah tak ang kauxcong. Yam in ploi pui hu sawg ka nawh mai viex nawh hoek ka aux, mawh kheu nawh tak yaox ti yum tete.”<sup>32</sup> Khaix an, Yawnasan pawk lox keeing tix Sawlux ah nin, “Kheu nawh tak yaox ti yum lie? Mawh hoik yuh nawh patix lie?”<sup>33</sup> Sawlux puah Yawnasan ka pliah sonsang pah ka nawh, Yawnasan hoik tawng keeing tix sang pah ka Davit.<sup>34</sup> Mawh kheu nan, Yawnasan yaog tix khaing pheen sawm mai pa kied songrhawm tix mai ang lai ih priex daux khix khraox ra ngaix tix ngaix, mawh kheu nawh koe krax voirhawm son Davit, kheu jao yuh keeing nawh kraxkaig ka nawh.<sup>35</sup> Yawnasan hu daux kaung plak ponggawb, tau mai kawn nyawm iak ka bawgyam tin ti deuh mai Davit.<sup>36</sup> Nawh tawx lox ka kawn nyawm an ah nin, “To maix hu sawg te pa hoik puing aux.” Yam to kawn nyawm an, nawh puing te tix taix sivoie kawn nyawm iak an.<sup>37</sup> Yam hoek kawn nyawm iak ka dee cod te puing Yawnasan, Yawnasan kokyo plak khaix kawn nyawm iak an ah nin, “Ang te koe sivoie maix lie?”<sup>38</sup> Yawnasan kokyo plak khaix kawn nyawm iak an, “Niied phai phai, paw lai kaog.” Kawn nyawm iak an sut te mai deeh hoek ka cao simiang tix.<sup>39</sup> Mai kawn nyawm iak an ang tawng tittix, mawh ngie Yawnasan mai Davit pa tawng ka grawng an.<sup>40</sup> Khaix an, Yawnasan tawx kraung naing tix ka kawn nyawm iak an ah nin ka nawh, “Viex in khankix ingka daux veng.”<sup>41</sup> Khaix hoik lih hu kawn nyawm iak an, Davit kaoh khaing dee ot tix ka plak jee mai gup pakngai tix piang tiex loe bawg mai kiex ngheet paox tix mai yiiem tau, Davit nielheu yiiem khaing nawh.<sup>42</sup> Khaix an Yawnasan ah nin ka Davit, “Hu ka daux pa nhim, mawh kheu krax tiextu pa hoik



yuh ax tau mai min ceukaux Simiang Siyiex pa ah nin, Simiang Siyiex tak ot sinax aux mai maix mai sinax doehru aux maidoehru maix leeingju." Mai Davityaog tix lih hu mai Yawnasan kawx deeh ing ka daux veng heue.

jhak heue, kawn pua ka man plak khaix dee koe sibex dhah tan, phan maix sang teei an teei heue, lheu khaingvaid

21:1-6 Mat 12:3-4, Mak 2:25-26, Luk 6:3. 21:6 Krub 24:5-9. 21:9 1Sa 17:51. 21:11 1Sa 18:7, 29:5. 21:12 Yaog 56 Title. 21:13 Yaog 34 Title. 22:1 Yaog 57 Title, Yaog 142 Title.

327

1 SAMOELAX 21-22

## 21 *Davit To Khaing Sawlux*

Davit hu ka cao giex kaing li Ahimaliet ka veng Nawbax mai Ahimaliet hoek sipub ka Davit mai lhatgraung tix ah nin ka nawh. "Kheu maix lai hoek nongnong mai pui pa hoek mai maix ang koe tix kaux kawx lie?"<sup>2</sup> Davit deeh ah nin ka cao giex kaing li Ahimaliet, "Simiang tawx lox ka aux grawng kaing tix ceu ah nin ka aux, paw kieh pui tix kaux kawx tawng grawng pa ploi aux maix yuh tix ceu kawx awm pa hoik tawm aux ka maix. Aux hoik ploi pui awn ju khankix hu sivoe tix ka dee an."<sup>3</sup> Yam in, koe patix daux taix maix. Tawx blah ka aux phuan lon liak, phan ang mawh nan koe pa ih tang ceu lie?"<sup>4</sup> Cao giex kaing li pawk lox Davit ah nin, "Ang koe blah pa pon pui ti ih kukaux ka daux taix aux, mawh ngie blah pa singax khaing, mawh ngie kawn nyawm simex pa via tix khaing sibun pa pon ti ih."<sup>5</sup> Davit pawk lox cao giex kaing li ah nin, "Yam lih yix krax, yix kieh tokaux tix singax khaing bun ku bawg, tokaux kawn nyawm simex pa lih krax in mawh pa singax, lheu khaing an in singaix tokaux ex baox nie singax singeh."<sup>6</sup> Mawh kheu nan, cao giex kaing li tom tawx blah singax singeh an ka nawh, kheu ang blah tang ceu lai koe lheu khaing blah pa khan tix tan pa teei lih khaing sivoe ngai Siyiex sonsang deuh blah khraox singaix teei ka blah prim an lih.<sup>7</sup> Daux singaix an koe pui tix kaux pa pau tan, nawh mawh siliex Sawlux, koe beeh glawm pau plak sivoe Simiang Siyiex, ceukaux nawh mawh Dawga pui EDOM pa mawh cao kaing pui liang yung Sawlux.<sup>8</sup> Davit ah nin ka Ahimaliet, "Koe pliah phan ang mawh nan vaid ka daux taix maix lie? Mawh kheu mawh kaing jhaw simiang pa caw tix niied ti yuh, aux ang viex vaid mai kraung naing maitix."<sup>9</sup> Cao giex kaing li ah nin, "Vaid Gawliax pui Philitix pa pah maix ka daux ngawd Elax,

an tang mu ang lai koe tin," mai Davit ah nin, "Vaid pa awm an ang koe, tawx vaid an ka aux heue."<sup>10</sup> Davit kaoh to hu khaing Sawlux daux singaix an mai hu ka Akhix simiang Gata.<sup>11</sup> Siliex Akhix khankix ah nin ka nawh, "In ang mawh Davit pa mawh simiang haktiex an lie?" Ang mawh kix pa rhax lai mai rieb nawh ah nin, "Sawlux hoik pah pui kaing rheng kaing rheng mai Davit hoik pah pui kaing mheen kaing mheen ang mawh lie?"<sup>12</sup> Yam deuh Davit ti tawng ka lox an daux rhawm tix mai nawh kied lhat ka Akhix simiang Gata.<sup>13</sup> Nawh tiehloh jhawm yuh tix sivoe kix mai yuh tix awm pui yhot, krudkried ti tiem lai piang siviex mai kieh rawm mia tix jah jaw ka hauk bheep tix.<sup>14</sup> Akhix ah nin ka siliex tix khankix, "Jhak heue, pex yaox pui in mawh pa yhot, pex lai viex nawh hoek ka aux lie?"<sup>15</sup> "Mawh lo aux ka pui yhot lie? Pex lai viex pui yhot in sivoe ngai aux, mawh keung pui in ti laig ka daux nyiex haw aux lie?"

22 Davit lih hu khaing tan mai to ti lawdluan mai hoek daux rang Adulam, yam mhong puxke nawh mai paox nyiex keeing nawh khankix ka an, kix lih hu ka nawh.<sup>2</sup> Can pui pa koe krax kharhawm, pui pa koe ceuk mai pui pa lauxrhawm khankix, khrawm paox ti hoek ka nawh, nawh lih ti mawh cao kaing kix, pui pa ot mai nawh tan, koe pui dex pon yieh kaux.<sup>3</sup> Davit lih khaing tan mai hu ka Mizapa haktiex Mawbax, nawh ah nin ka simiang Mawbax, "Yuh buanson kieh miex keeing aux ot tin mai maix, tom hoek bawgyam tawng aux ka pa yuh Simiang Siyiex ka aux."<sup>4</sup> Nawh viex kix hoek mai prah kix ot mai simiang Mawbax, kix ot tau mai nawh glang bawgyam kawn kauxcong ot Davit ka daux rang.<sup>5</sup> Cao jhai Gat ah nin ka Davit, "Paw lai ot ka daux rang dee pa kauxcong, lih hu ka haktiex Yudax," mai Davit hu ot ka daux tiag Hariet.

### **Sawlux Pah Cao Giex Kaing Li**

<sup>6</sup>Sawlux hoik mhong grawng yaox kix ka Davit, khawm pui pa ot mai nawh khankix, yam an Sawlux ot piang gawng Gebat, gream khaox ka veng Ramax tau mai pliah pa koe daux taix nawh mai siliex nawh khankix cung hawt

1 SAMOELAX 22-23

nungviang nawh, <sup>7</sup>Sawlux ah nin ka siliex tix khankix pa cung hawt nawh, "Pui Benjamin khankix nghiet heue, mawh sang tawx kawn simex Yesie kaung mai sipeem plix siiet ka pex mai yaog pex mawh cao kaing naing pui kaing rheng mai pui kaing yieh lie?" <sup>8</sup>Pex khawmuik hoik khrawm tix tiehfeen yuh pa caox ka aux mai ang krai aux mhong tittix, yam yuh kawn simex aux sijax mukheu mai kawn simex Yesie, ang koe pui lauxrhawm mai aux mai ang krai aux mhong grawng pa so kawn simex aux ka siliex khankix tiehfeen mai jawm ka aux daux in singaix." <sup>9</sup>Khaix an, Dawga pui Edom cao kaing siliex Sawlux khankix, pawk ah nin, "Aux yaox kawn simex Yesie hoek ka veng Nawbax dee ot Ahimaliet kawn simex Ahitut. <sup>10</sup>Ahimaliet chawk Simiang Siyiex ka son nawh mai tawx pa ih mai vaid Gawliax pui Philitix ka nawh." <sup>11</sup>Simiang hu kok ka cao giex kaing li Ahimaliet kawn simex Ahitut mai paox nyiex keeing nawh tau mai cao giex kaing li pa ot ka veng Nawbax mai kix hoek ka simiang khawmuik. <sup>12</sup>Sawlux ah nin, "Kawn simex Ahitut eue, nghiet heue," nawh deeh ah nin, "Simiang aux eue, aux ot tin." <sup>13</sup>Sawlux ah ka nawh, "Kheu pex mai kawn simex Yesie hoik khrawm ti yuh pa caox mai tiehfeen ka aux mai maix lai tawx blah mai vaid ka nawh mai chawkcheng Siyiex ka son nawh, sonsang yaog ti tiehfeen mai jawm ka aux, ka daux singaix lie?" <sup>14</sup>Ahimaliet pawk ah nin ka simiang, "Mawh pui mawx ka daux siliex maix khankix pa kaux sijax awm Davit pa mawh kheue simiang cao giex kaing li mai pa koe min plakngai ka daux nyiex maix lie?" <sup>15</sup>Daux baux bawgyam an, mawh hoik chawk aux Siyiex ka son nawh lie? Kieh ceu inkix singai khaing aux, paw kieh simiang deuh phimap ka siliex maix mai paox nyiex keeing aux khankix, mawh kheue siliex maix ang

tawng ceu inkix mawh pa iak pa ting tix ceu kawx." <sup>16</sup>Simiang ah nin, "Ahimaliet eue maix khawm paox nyiex keeing maix tak yum tete." <sup>17</sup>Simiang ah nin ka cao pau pa cung tix pau nungviang

22:9-10 Yaog 52 Title.

328

nawh khankix, "Veeh tix mai pah cao giex kaing li Simiang Siyiex khankix, mawh kheu ot taix kix ka plak Davit mai tawng ka to nawh mai ang krai an ka aux." Viang mawh nan, siliex simiang khankix ang pon kieh taix tix hoek piang cao giex kaing li Simiang Siyiex sonsang pah ka kix. <sup>18</sup>Simiang ah nin ka Dawga, "Veeh ti pah ka cao giex kaing li khankix," Dawga veeh ti pah cao giex kaing li khankix mai pah pui ceep sibex dhah tixdaix phuan kaux daux singaix an. <sup>19</sup>Nawh pah pui veng Nawbax, veng ot cao giex kaing li khankix, khawm simex sibun mai kawn nyawm kawn ngie mai mawie, la, yung khankix ka vaid. <sup>20</sup>Viang mawh nan, ka daux kawn simex Ahimaliet khankix pa mawh kawn simex Ahitut pa kaux Abiata pon ti klawd mai to ti hawt Davit. <sup>21</sup>Abiata krai Davit mhong ka pah Sawlux cao giex kaing li Siyiex khankix. <sup>22</sup>Davit ah nin ka Abiata, "Daux singaix an yam ot Dawga pui Edom tan, aux hoik tawng nawh tee krai ka Sawlux tete. Hoik mawh aux pa kieh nyiexma keeing maix hoek krax yum. <sup>23</sup>Ot tau mai aux, paw lhatgraung, pui pa sawg ka ju aux tak mawh pa sawg ka ju maix, maix ot mai aux tak yaox tix lawdluan heue."

### **23 Davit Taoh Ka Veng Kilax**

<sup>1</sup>Kix krai ka Davit, "Jhak heue, pui Philitix puing ka veng Kilax mai rhim nghox ka daux glah." <sup>2</sup>Davit chawk Simiang Siyiex, "Mawh khaw aux ti hu puing ka pui Philitix in lie?" Simiang Siyiex ah nin ka Davit, "Hu mai puing ka pui Philitix mai taoh ka veng Kilax." <sup>3</sup>Pui Davit khankix ah nin ka nawh, "Jhak heue, yam ot ex ka haktiex Yudax ex lai kawn koe krax lhatgraung, phan ex hoek ka daux veng Kilax, ex nie koe krax lhatgraung ka pui koeng ex pui Philitix miexding lie?" <sup>4</sup>Davit baox chawkcheng ka Simiang Siyiex. Simiang Siyiex pawk lox nawh ah nin, "Kaoh hu ka Kilax, mawh kheue Aux tak ap pui

Philitix ka daux taix maix.”<sup>5</sup> Davit mai pui nawh khankix hu ka Kilax, puingpui Philitix khankix mai viex tobrie kix hu mai pah ka kix tommie. Mawh kheu nan, Davit tom taoh pui ot ka veng Kilax khankix.<sup>6</sup> Yam to Abiata kawm simex Ahimaliettihoek

tak ang hoek piang maix, maix tak mawh simiang piang pui Isarelaix mai aux tak mawh cao kaing ting greem maix.”<sup>18</sup> Kiex khawm ra yuh sijax mukheu ka plak sivoe Simiang Siyiex, Davit ot

23:18 1Sa 18:3. 23:19 Yaog 54 Title. 24:3 Yaog 57 Title; Yaog 142 Title.

329

1 SAMOELAX 23-24

ka Davit daux Kilax, nawh viex sibex dhah tix pheen hoek mai tix.<sup>7</sup> Pui kraih hoik hu Davit ka veng Kilax ka Sawlux. Sawlux ah nin, “Siyiex hoik ap nawh ka daux taix aux, mawh kheu nawh hoik laig ot ka daux veng pa hoik nyeep jhong siviex, awm pa hoik laung nawh cao tix.”<sup>8</sup> Sawlux khawm pui khankix sonsang yuh naing mai lih hu ka veng Kilax sonsang lailawm Davit mai pui nawh khankix.<sup>9</sup> Davit tawng keud Sawlux ti yuh pa caox piang tix, nawh ah nin ka Abiata cao giex kaing li, “Viex sibex dhah an hoek tin.”<sup>10</sup> Davit ah nin, “Simiang Siyiex pui Isarelaix eue, siliex Maix Cao hoik mhong kriem sawg Sawlux daux krax sang hoek ka veng Kilax mai yuh lauxleeing ka veng kheu jao aux.<sup>11</sup> Mawh sang ap pui veng Kilax khankixauxka dauxtaixnawhlie? Mawh sang lih hoek Sawlux awm pa hoik mhong siliex Maix Cao lie? Simiang Siyiex pui Isarelaix eue, aux rawgbuan ka Maix Cao, kraih ka siliex Maix liak.” Simiang Siyiex ah nin, “Nawh tak lih hoek.”<sup>12</sup> Davit ah nin, “Mawh sang ap pui veng Kilax aux mai pui aux khankix ka daux taix Sawlux lie?”<sup>13</sup> Simiang Siyiex ah nin, “Kix tak ap maix.”<sup>13</sup> Davit mai pui nawh been liah yieh kaux lih hu khaing veng Kilax, kix lih hu ka dee pon hu tix. Yam mhong Sawlux kraih pui hoik to Davit khaing Kilax mai nawh ang lai hu tan.<sup>14</sup> Davit ot ka piang gawng daux tiag Zipha. Sawlux sawg ka nawh ku ngaix, viang mawh nan, Simiang Siyiexangnyangap Davit ka daux taix Sawlux.<sup>15</sup> Davit yaox hoek sawg Sawlux ka ju tix mai nawh ot ka daux tiag Zipha haktiex Horiet.<sup>16</sup> Yawnasan kawm simex Sawlux kaoh hu ka Davit ka haktiex Horiet mai tawx riang sonsang koe riang nawh ka daux Siyiex.<sup>17</sup> Nawh ah nin ka Davit, “Viang keeing aux Sawlux tawng ka gawng in kawx, paw lhat, mawh kheu taix keeing aux Sawlux

ka haktiex Horiet mai Yawnasan deeh ing ka nyiex tix.<sup>19</sup> Pui Zipha haok sawg Sawlux ka Gibat ah nin, “Mawh ang Davit mox tix ka dee ot yix ka piang gawng Hakhilax pa koe ka plak jee veng Yeshimon lie?”<sup>20</sup> Simiang eue, lih hoek awm pa koe rhawm maix ti sang hoek mai yix tak ap nawh ka daux taix simiang.”<sup>21</sup> Sawlux ah nin, “Kieh Siyiex nawb buan piang pex, mawh kheu cauxrhawm pex ka aux.”<sup>22</sup> Hu sawg ti yaox tom kriem mai jhak ti yaox ot nawh dee mawx, mawh pui mawx pa yaox nawh tan, mawh kheu pui kraih aux mhong nawh kied lhak tete.”<sup>23</sup> “Mawh kheu nan, jawm ti jhak ka dee ot dee mox nawh tix mai deeh hoek kraih aux mhong kriemkriem. Mai aux tak hu mai pex phan nawh ot ka daux haktiex an, aux tak sawg nawh khaing sinax pui Yudax kaing rheng kaing mheen.”<sup>24</sup> Kix kaoh mai dha ti hu sivoe Sawlux ka Zipha. Davit mai pui nawh khankix ot ka daux tiag Mawnax ka daux Arabax plak jee veng Yeshimon.<sup>25</sup> Sawlux mai pui nawh khankix sawg ka Davit mai pui hoek kraih an ka Davit mai nawh lih hu ka daux rang pa koe daux tiag Mawnax. Yam mhong Sawlux ka gawng an, nawh hawt pheet khaix Davit ka daux tiag Mawnax.<sup>26</sup> Sawlux hu ka gawng plak in mai Davit khawm pui nawh khankix hu ka gawng plak an, mawh kheu nan Davit niied ti hu singai khaing Sawlux mai Sawlux khawm pui nawh khankix lailawm ka Davit tau mai pui nawh sonsang giex ka kix.<sup>27</sup> Yam hoek pui cau tix kaux ka Sawlux ah nin, “Niied hoek phai, mawh kheu pui Philitix hoek laig ti puing ka haktiex.”<sup>28</sup> Sawlux deeh hoek khaing pheet tix khaix Davit mai hu puing ka pui Philitix, mawh kheu nan kix tom kok dee an mawh Selax Hamalekok.<sup>29</sup> Davit lih khaing tan mai ot ka dee kauxcongka Engedi heue.

Yam deeh hoek Sawlux khaing hawt tix khaix pui Philitix mai koe pui kraika nawh ah nin, "Jhak heue, Davit ot ka daux tiag Engedi." <sup>2</sup>Khaix an, Sawlux teei pui loe rheng kaux pa hoik laug khaing pui Isarelaux mai hu sawg Davit khawm pui nawh ka daux tiag piang

1 SAMOELAX 24-25

gawng rang dee ot pex rang khankix." <sup>3</sup>Sawlux hoek ka kawng yung dex krax mai daux rang koe tan tix mu mai Sawlux laig ka daux ansonsang ititix. Davit mai pui nawh khankix otka dee raux daux rang. <sup>4</sup>Pui Davit khankix ah nin ka nawh, "In singaix mawh ngaix ah Simiang Siyiex nin ka maix, jhak heue, aux tak ap pui koeng maix ka daux taix maix, maix tak yuh can pa simie maix ti yuh ka nawh awm pa khaw maix ti yuh." Davit kaoh mai briex pat toh sibex dhah Sawlux. <sup>5</sup>Khaix an, Davit kied lauxrhawm ka tokaux tix kheu jao pat nawh toh sibex dhah Sawlux. <sup>6</sup>Nawh ah nin ka pui tix khankix, "Kieh Simiang Siyiex tiebtie can pa sang yuh aux ka simiang tix pa hoik groi Simiang Siyiex bee ka nawh, sonsang nyeu aux taix tix mai yuh nawh laux, jhak heue, kheu mawh nawh pui pa hoik groi Simiang Siyiex bee kah." <sup>7</sup>Davit tieb siliex tix ka lox an mai ang tawx akhuang yuh laux ka Sawlux. Mai nawh kaoh khaing daux rang mai lih hu krax hu tix. <sup>8</sup>Khaix an, Davit kaoh mai lih hu khaing daux rang kokyo ka Sawlux ah nin, "Simiang aux eue," yam gi Sawlux ka plak khaix tix, Davit gup pakngai tix piang tiex mai gruxgup tix. <sup>9</sup>Davit deeh ah nin ka Sawlux, "Maix ca kawng nghiet ka lox krai pui khankix pa ah nin, jhak heue, Davit sawg ti yuh maix lauxleeing, kheu grawng pa yuh ka mawx?" <sup>10</sup> Ka daux in singaix, ngai maix hoik yaox ka ap Simiang Siyiex maix ka daux taix aux ka daux rang in, pui tixblah tawx riang aux sonsang pah aux ka maix, viang mawh nan, aux koe rhawm pa lhawk ka maix mai aux ah nin, aux tak ang nyeu taix tix piang cao simiang aux, mawh kheu nawh mawh pui pa hoik groi Simiang Siyiex bee kah. <sup>11</sup> Keeing aux eue, jhak ka toh sibex dhah maix pa koe daux taix aux in,

mawh kheu aux pat ti teei ngie toh sibex maix mai ang pah maix, deuh ti tawng ka ang pa caoxcaig mai pa tiehfeen koe ka daux taix aux, aux ang koe phimap krax lud piang maix, viang mawh nan maix ca kawng sawg ti teei ju aux yum. <sup>12</sup> Kieh Siyiex prawngca sinax maix mai aux, kieh Simiang Siyiex

330

pawx bix aux piang maix, viang mawh nan, aux tak ang kieh taix tix hoek piang maix. <sup>13</sup>Awm koe lox kab pui didix ah nin. Ceu pa caox mawh pa kaoh khaing daux pui pa caoxcaig, viang mawh nan, aux tak ang kieh taix tix hoek piang maix. <sup>14</sup>Mawh lih hoek simiang pui Isarelaux ti hawt khaix pui mawx? Mawh hawt pheet ka pui mawx? Mawh sawg maix sox yum lie? Mawh sawg maix ka diiep lie? <sup>15</sup> Kieh Siyiex mawh cao prawngsee mai prawng ka sinax aux mai maix mai jhak teem ka see aux mai taoh aux khaing daux taix maix." <sup>16</sup> Yam hoik krai Davit lox khankix ka Sawlux mai Sawlux pawx ah nin, "Kawn simex aux Davit eue, in mawh lox maix lie? mai Sawlux yoloxtix mai yiim." <sup>17</sup> Nawh ah nin ka Davit, "Maix mawh pa nie rahsee khaing aux, mawh kheu maix hoik yuh pa mhawm ka aux, yam yuh aux pa caox ka maix. <sup>18</sup>Maix hoik jhi pa mhawm yuh tix ka aux in singaix mai ang lai pah ka aux yam ap Simiang Siyiex aux ka daux taix maix. <sup>19</sup> Phan pui tix kaux kaux yaox ka pui koeng tix, mawh sang kieh nawh pui an lawdluan lie? Kieh Simiang Siyiex yuh buanson pa mhawm ka maix, kheu pa hoik yuh maix ka aux in singaix. <sup>20</sup> Yam in jhak heue, aux hoik tawng sang mawh maix simiang tete mai meung haktiex Isarelaux tak pang kauxcong ka daux taix maix. <sup>21</sup> Mawh kheu nan, tiextu ka aux ka daux ceukaux Simiang Siyiex, son ang maix tat doehru aux khankix khaix aux mai ang yuh min ceukaux aux lauxleeing khaing daux nyiexma keeing aux khankix." <sup>22</sup> Davit hoik tiextu ka Sawlux, khaix an Sawlux deeh ing ka nyiex tix, Davit mai pui nawh khankix kawx lih hu ka dee pa kauxcong heue.

**25** *Grawng Yum Samoelax*

Samoelax hoik yum mai pui Isarelax khrawm paox tix mai yiem doe ka son nawh, kix sipaungnawh kanyix nawh ka veng Ramax. Davit kaoh hu ka daux tiag Paran.

### ***Davit Mai Moeng Nabalax***

<sup>2</sup> Koe pui yuh lai geu ka daux haktiex Mawnax tix kaux, nawh ot ka veng Kharamelax mai

dee mawx lie?" <sup>12</sup> Pui awn ju pui Davit khankix deeh veeh ti hu mai krai grawng an ka Davit. <sup>13</sup> Davit ah nin ka pui tix khankix "Kawg vaid tix kukaux, " pui kukaux kawx kawg ka vaid tix, Davit kawx kawg vaid tix mai pui been pon yieh kaux hu tau mai Davit, pui ra yieh kaux pau ka kraung khrai. <sup>14</sup> Koe pui awn ju tix kaux hoek krai ah nin ka Abigelax moeng Nabalax, "Jhak heue,

nawh mawh pa kied magmi, nawh koe yung loe rheng mai pex tix rheng. Nawh rhip hauk yung ka daux veng Kharamelax. <sup>3</sup> Ceukaux pui an mawh Nabalax mai ceukaux moeng nawh mawh Abigelax. Sibun an koe krax tawng pa mhawm mai mhawm grang, viang mawh nan, simex an, koe rhawm kiien mai yuh pa caox, nawh mawh doehru nyiexmax Kaliep. <sup>4</sup> Yam ot Davit daux tiag, nawh mhong grawng rhip Nabalax hauk yung. <sup>5</sup> Davit ploii pui awn ju kao kaux ah nin ka kix, "Hu ka Nabalax veng Kharamelax mai rieb singeuh taix nawh ka daux ceukaux aux. <sup>6</sup> Pex tak singeuh taix nawh ah nin, kieh pa nhim koe mai maix, kieh pa nhim koe piang nyiexma maix mai kieh pa nhim koe piang can pa koe maix khawmuik. <sup>7</sup> Aux hoik mhong koe pui rhip hauk yung maix khankix, yam in, pui liang yung maix khankix ot tau mai yix tin mai yix ang yuh krax lud ka kix, yam ot kix ka Kharamelax kix ang grai kraung khrai tix ceu kawx. <sup>8</sup> Chawk ti yaox pui awn ju maix khankix, kix tak krai ka maix. Mawh kheu hoek yix singaix pa mhawm, kieh pui awn ju aux khankix pon buanson plak sivoie ngai maix. Yuh buanson tawx pa koe daux taix maix tix ceuceu ka siliex maix mai ka kawm simex maix Davit." <sup>9</sup> Yam hoek pui awn ju pui Davit, kix krai ceu an ka Nabalax ka daux ceukaux Davit mai kix kawm pau tan. <sup>10</sup> Nabalax pawk ah nin ka siliex Davit khankix, "Davit mawh pui mawx? Kawm simex Yesie mawh pui mawx? Yam in siliex prungprang hu khaing cao simiang tix koe tomnie. <sup>11</sup> Mawh khaw aux ti teei blah, rawm nyaux tix mai nex pa pah aux son pui rhip hauk yung tix khankix mai tawx an ka pui pa ang aux tawng ka plak kaoh kix khaing

Davit ploii pui cau khankix khaing daux tiag sonsang rieb singeuh taix cao simiang ex mai nawh hoik jhaxlawg ka kix. <sup>15</sup> Pui khankix sax yuh pa mhawm ka yix, yam ot tau yix mai kix ka daux tiag, yix ang sax yaox pa caox mai ang sax grai kraung khrai tix ceu kawx, <sup>16</sup> yam liang yix yung mai kix ku bawg, kix mawh guh veng ka son yix ka plak ponsawm mai ponngaix. <sup>17</sup> Yam in kieh tawng mai keud ti yaox pa sang khaw maix ti yuh ka mawx, mawh kheu nawh keud ti yuh pa caox ka cao simiang yix mai piang nyiexma nawh, mawh kheu mawh nawh pui caox, tix kaux kawx ang pon sikah ka nawh." <sup>18</sup> Khaix an, Abigelax niied khre ti teei blah rayieh lon mai singiien hak rawm plix siiet ra mu mai nex yung pa hoik sin phuan mu mai sok sivawng diag phuan epha mai plix siiet kroh tix yieh sigleem mai khliiep plix ruh ra yieh khliiep mai nawh tang an khankix piang la. <sup>19</sup> Abigelax ah nin ka siliex tix khankix, "Hu sivoie aux, jhak heue, aux tak hawt khaix pex." Viang mawh nan, nawh ang krai tittix ka mex tix Nabalax. <sup>20</sup> Abigelax brug la lih ka caong gawng, jhak heue, Davit mai pui nawh khankix lih hoek see Abigelax mai kix sipub ka paox tix. <sup>21</sup> Davit ahnin, "Aux hoik pau sinngao cie pui in giexgoing ka daux tiag, kraung khrai cie nawh ang koe pa grai tix ceu kawx mai nawh pawk pa caox ka son pa mhawm. <sup>22</sup> Daux ponngawb pasax phan aux kawm deuh simex pui Nabalax tix kaux kaux klawd, kieh Siyix ciyang ka aux nielheu khaing an." <sup>23</sup> Yam yaox Abigelax ka Davit, nawh niied ti lih khaing la mai gup pakngai tix piang tiex mai gruxgup tix plak sivoie Davit. <sup>24</sup> Abigelax gup tix ka dex caong Davit ah nin, "Cao simiang aux eue, kieh krax lud an koe piang aux nongnong, kieh siliex sibun

maix kraï maix mhong mai nghiet ka lox kraï siliex sibun maix liak. <sup>25</sup>Paw doh kieh cao simiang aux deuh Nabalax pui caox in koe ceu, mawh kheu jhawm nawh hawt awm ceukaux nawh pa mawh Nabalax mai pa caox hoik koe tau mai nawh, viang mawh nan, aux siliex sibun maix, ang caw ti yaox ka pui awn ju simiang aux pui ploi maix hoek. <sup>26</sup>Mawh kheu

1 SAMOELAX 25-26

nan, cao simiang aux eue, awm im ju Simiang Siyiex awm im ju maix, kheu hoik tieb Simiang Siyiex maix khaing krax lud pa kieh nham jah mai khaing pa deeh pawk maix bix ka taix tix, mawh kheu nan, kieh pui koeng maix khankix mai pui sawg ti yuh pa caox ka cao simiang aux awm Nabalax. <sup>27</sup>In mawh totaix pa viex siliex bun maix ka son cao simiang aux mai ap ka pui awn ju pa hawt khaix cao simiang aux khankix. <sup>28</sup>Yuh buanson pluatploi krax lud siliex sibun maix liak, mawh kheu Siyiex kieh nyiexma cao simiang aux kauxcong, kheu jao puing cao simiang aux naing son Siyiex glang bauxyam im ju maix takang yaox pa caoxka daux maix." <sup>29</sup>Viang koe pui pa kaoh ti pheet ka maix mai sawg ka ju maix kawx, ju cao simiang aux tak vien tix tau daux gie kraung im ju pa ot ka daux pa priex rhawm Siyiex maix mai Nawh Cao tak vudvied ju pui koeng maix khankix awm vudvied ka simaox daux ak vudvied. <sup>30</sup>Yam yuh Simiang Siyiex ceu pa mhawm Nawh Cao hoik yuh sijax mukheu ka maix mai yaog maix mawh simiang piang pui Isarelix. <sup>31</sup>Cao simiang aux tak ang yaox krax lauxrhawm mai pa saux pa laux, mawh kheu kieh nham jah ka daux pa ang koe krax lud mai mawh kheu pawk cao simiang aux bix tix, yam yuh Simiang Siyiex ceu pa mhawm ka cao simiang aux dohkeud ka siliex sibun maix liak?" <sup>32</sup>Davit ah nin ka Abigelax, "Kieh Simiang Siyiex pui Isarelix Cao pa ploi maix hoek ti sipub ka auxdaux in singaix koe buanson liak! <sup>33</sup>"Kieh krax keud pa tawx maix koe buanson mai kieh tokaux maix koe buanson, mawh kheu ka daux in singaix, maix hoik kieh aux lawduan khaing krax lud pa kieh nham pui jah mai khaing cao pa pawk

bix tix. <sup>34</sup>Awm im ju Simiang Siyiex Siyiex pui Isarelix, Cao pa kieh aux veeh tix khaing pa yuh pa caox ka maix, phan maix ang niied ti hoek sipub ka aux, ponngawb caocao pasax ang tau ti lai koe simex pa deuh tix kaux kawx ka son Nabalax." <sup>35</sup>Davit rieb can pa viex Abigelax khaing taix nawh ah nin ka Abigelax, "Ing ka daux pa nhim ka nyiex maix, jhak heue, aux hoik nghiet ka lox maix mai

332

aux kia ka pakngai maix mai nghiet ka lox khioxkhaw maix." <sup>36</sup>Khaix an, Abigelax ing ka Nabalax mai yuh pawie awm pawie pa khankheuka simiang ka daux nyiex tix. Rhawm Nabalax kied koe krax gauxrhawm kheu nie yoek nawh, mawh kheu nan, Abigelax ang kraï tittix ka nawh tom bah rieng praix ponngawb. <sup>37</sup>Ka daux ponngawb cao, yam hoik vai yoek Nabalax ka rawm plix siiet, moeng nawh kraï ceu ankix ka nawh mai rhawm nawh hoik yum plak daux mai nawh lih cong awm simaox. <sup>38</sup>Khaix hoik luan kao singaix Simiang Siyiex tawx krax khamgeu ka Nabalax mai nawh yum heue. <sup>39</sup>Yam mhong Davit ka hoik yum Nabalax nawh ah nin, "Kieh buanson koe ka Simiang Siyiex, pa hoik kiangiien aux khaing pa sang yaox aux ti khamgeu lox sibriem Nabalax mai pa tiebtie Nawh Cao kawm Tix khaing pa caoxcaig, mawh kheu Simiang Siyiex hoik deeh viied ceu pa caoxcaig pa hoik yuh Nabalax hoek piang tokaux nawh mai Davit ploi pui hu mhaing Abigelax, sonsang teei nawh ti moeng kah. <sup>40</sup>Yam hoik hoek siliex Davit ka Abigelax daux veng Kharamelax kix ah nin ka nawh, "Davit ploi yix hoek ka maix sonsang viex yix maix mawh moeng nawh." <sup>41</sup>Abigelax kaoh mai gup pakngai tix piang tiex ah nin, "Siliex sibun maix mawh siliex pa sang khoek caong siliex simiang aux." <sup>42</sup>Mawh kheu nan, Abigelax niied ti kaoh mai brug la iaktix mu tau mai siliex sibun nawh phuan kaux mai hawt khaix pui cau Davit mai yaox ti mawh moeng Davit. <sup>43</sup>Davit baox teei ti moeng Ahinawm kawm sibun veng Yezerelax mai kiex khawm ra mawh moeng nawh. <sup>44</sup>Yam an Sawlux tawx kawm sibun tix Mikhalax pa mawh moeng Davit ka Palatix kawm simex Liesha pui veng Galim heue.

**Davit Deuh Ju Sawlux Bawg**

**Ra**

Pui veng Zipha hoek ka Sawlux daux veng Giba ah nin, "Mawh ang Davit mox tix piang gawng Hakhilax plak sivoie veng Yeshimon lie?"<sup>2</sup> Khaix an, Sawlux kaoh mai hu ka daux tiag Zipha tau mai pui Isarelaux pa hoik laug nawh loe rheng kaux sonsang sawg ka Davit daux tiag Zipha.<sup>3</sup> Sawlux bang piang gawng

gaongnawh mai kieh ax lih hu."<sup>12</sup> Mawh kheu nan, Davit teei pliah mai singiien rawm plak kaing gaong Sawlux, pui tix kaux kawx ang yaox ang tawng mai pui tix kaux kawx ang siduad khaing it tix, mawh kheu Siyiex hoik kieh kix laig it mai kied lhiak khawmuik.<sup>13</sup> Khaix an, Davit tiang ti hu toi plak an mai cung piang choek gawng dee kied singai khaing sinax kix.<sup>14</sup> Davit kokyo ka pui mai ka Abana kawn simex Nerax ah nin, "Abana

333

1 SAMOELAX 26

Hakhilax praok krax, plak sivoie veng Yeshimon, Davit ot ka daux tiag mai nawh hoik mhong grawng hoek sawg Sawlux tix ka daux tiag,<sup>4</sup> mawh kheu an, Davit ploi pui jiang hu jiang ka kix mai nawh tawng ka hoik hoek Sawlux tete.<sup>5</sup> Mawh kheu nan, Davit yaog ti hu daux tab dee bang Sawlux, Davit hoik yaox ka dee it Sawlux mai Abana kawn simex Nerax cao kaing naing ting krunaing nawh, Sawlux it sigreung tab mai pui ot vungviang nawh.<sup>6</sup> Yam an, Davit chawk Ahimaliet pui Heta mai Abishie kawn simex Yeruya pux Yuabax ah nin, "Mawx pa sang hu tau mai aux dee bang tab Sawlux?" mai Abishie ah nin, "Aux tak hu tau mai maix."<sup>7</sup> Mawh kheu nan, Davit mai Abishie hoek ka dee ot pui an plak ponsawm mai Sawlux laig it daux sigreung tab tau mai blung ti deuh pliah viex tix daux tiex hawt kaing gaong tix mai Abana khawm pui khankix hoik laig it vungviang nawh khawmuik.<sup>8</sup> Abishie ah nin ka Davit, "Daux singaix Siyiex appui koeng maix ka daux taix maix, yuh buanson kieh aux blung nawh ka pliah tix taix neh tom phlat ka tiex mai aux tak ang baox blung nawh ra bawg."<sup>9</sup> Davit ah nin ka Abishie, "Paw yuh nawh laux, mawh pui mawx pa pon nyeu taix tix piang pui pa hoik groi Simiang Siyiex bee kah mai ang koe krax lud kah lie?"<sup>10</sup> Davit deeh ah nin, "Awm im ju Simiang Siyiex Nawh tak tawx krax khamgeu ka nawh, phan ang mawh nan, singaix pa yum nawh tak hoek, phan ang mawh nan, nawh tak lauxleeing ka daux naing."<sup>11</sup> Kieh Simiang Siyiex tiebtie son ang aux pon nyeu taix tix piang pui pa hoik groi Simiang Siyiex bee kah, viang mawh nan, teei pliah mai singiienrawm pa koe plak kaing

eue, ang maix lai pawk lox lie?" mai Abana ah nin, "Mawh pui mawx pakokyo kasimiang lie?"<sup>15</sup> Davit ah nin ka Abana, "Ang maix mawh simex lie? Mawh pui mawx pa awm maix daux pui Isarelaux, yuh ka mawx maix ang pau simiang cao tix mhawm mhawm, mawh kheu pui tix kaux laig ti sang yuh simiang maix lauxleeing."<sup>16</sup> Ceu pa yuh maix in, mawh pa ang mhawm tete, awm im ju Siyiex, maix hoik keung ti mawh pa yum, kheu ang maix pau ka simiang tix, pa hoik groi Simiang Siyiex bee kah, yam in jhak ti yaox, mawh koe pliah simiang maix mai singiien rawm nawh pa deuh plak kaing gaong it nawh dee mawx?"<sup>17</sup> Sawlux tawng ka lox Davit ah nin, "Kawn simex aux Davit eue, mawh an lox maix lie?" Davit pawk ah nin, "Cao simiang aux eue, in mawh lox aux."<sup>18</sup> Davit deeh ah nin, "Cao simiang aux ca kawn hawt sawg siliex tix yuh ka mawx? Mawh hoik yuh aux ceu patix? Mawh koe pa caox ceu tix ka daux taix aux."<sup>19</sup> Yam in yuh buanson kieh cao simiang aux nghieng lox siliex maix, phan mawh Simiang Siyiex pa hoik sorhawm maix yuh nin ka aux, kieh Nawh Cao rieb krax tan pa yuh kawn pui, phan ang mawh nan, phan mawh kawn pui pa sorhawm maix yuh nin ka aux kieh kix pon pa jhaxlawg ka plak sivoie Simiang Siyiex, mawh kheu kix hoik grheu aux hu daux in singaix khaing pa sang pon aux sinngao cie Simiang Siyiex ah nin ka aux, hu yuh kaing jhaw Siyiex tang kaux khankix.<sup>20</sup> Mawh kheu nan, paw kieh nham aux cod piang tiex dee singai khaing plak sivoie ngai Simiang Siyiex liak, mawh kheu simiang pui Isarelaux hoek ti sawg aux pa awm diiep sox tix mu, awm hu leue pui keed piang gawng."<sup>21</sup> Khaix an Sawlux ah nin, "Aux hoik

lud, kawn simex aux Davit eue, deeh hoek aux tak ang lai yuh krax pa kharhawm ka maix, kheu jao kied koe ngawh jum ju aux ka daux ngai maix daux in singaix, jhak heue, aux hoik mawh pui pa caox mai kied lud.”<sup>22</sup> Davit pawk ah nin, “Pliah simiang kawn koe tin, kieh kawn nyawm awn ju tix kaux hoek teei.”<sup>23</sup> Kieh Simiang Siyiex deeh plud ka pui kukaux, son pa rahsee nawh mai son pa kauxsijax nawh,

1 SAMOELAX 26-28

mawh kheu Simiang Siyiex hoik ap maix ka daux taix aux in singaix, viang mawh nan, aux ang pon nyeu taix tix lih piang pui pa hoik groi Simiang Siyiex bee kah.”<sup>24</sup> “Jhak heue, awm hoik kieh aux ju maix koe ngawh jum ka daux in singaix, plak sivoe ngai aux, mawh kheu nan, kieh ju aux mawh pa koe ngawh koe jum plak sivoe Simiang Siyiex mai kieh Nawh Cao deeh taoh aux lih khaing ceu pa kharhawm khawmuik.”<sup>25</sup> Khaix an, Sawlux ah nin ka Davit, “Kawn simex aux Davit eue, kieh maix mawh pa koe buanson, kieh kaing pa yuh maix kuceu ting lhaong haokhuan.” Mawh kheu nan, Davit hu krax hu tix mai Sawlux deeh ing ka dee ot tix heue.

## 27 *Davit To Haktiex Philitix*

Davit keud yuh nin daux rhawm tix, “Tix ngaix sax aux tee lauxleeing daux taix Sawlux, lheu khaing to aux ti lawdluan daux haktiex pui Philitix pa nielheu mhawm ka son aux ang lai koe, phan yuh nan, Sawlux tak ang lai koe rhawm ti sang deeh sawg ka aux daux haktiex pui Isarelix mai aux tak pon ti lawdluan khaing daux taix nawh.”<sup>2</sup> Khaix an, Davit kaoh hu tau mai pui pa ot tau mai nawh liah yieh kaux ka Akhisha kawn simex Mawkha simiang Gata.<sup>3</sup> Davit mai pui nawh pa viex moeng kawn tix ot tau mai simiang Akhisha, Davit viex moeng tix Ahinawm pui veng Yezerelix mai Abigelax moeng Nabalax pui veng Kharamelax.<sup>4</sup> Pui kraik Sawlux mhong gawng hoik to Davit daux veng Gata mai nawh ang lai sawg ka nawh khaix in tix bawg kawx.<sup>5</sup> Davit ah nin ka simiang Akhisha, “Phan aux hoik mawh pa pon buanson ka plak sivoe ngai maix, kieh kix

tawx dee ot son aux ka daux yaong tix dah, daux haktiex kuang maix, mawh kheu siliex maix sang chix pon ot daux veng ting tau mai maix yuh ka mawx.”<sup>6</sup> Ka daux singaix an, simiang Akhisha tawx veng Zikalat ka nawh, kheu jao an veng Zikalat mawh cie simiang pui Yudax tom hoek in singaix.<sup>7</sup> Baux bawgyam ot Davit ka haktiex pui Philitix koe tix num mai pon khix.<sup>8</sup> Davit mai pui nawh khankix hu puing ka pui Geshurix,

28:3 1Sa 25:1, Krub 20:27, Pi 18:10-11.

334

pui Gerazi mai pui Amaliet, pui an kix dawg mawh pui prim pa ot daux haktiex in tom didix, jah ka veng Shurax tom hoek ka daux meung Ejiptux.<sup>9</sup> Yam puing Davit ka haktiex an, nawh ang prah simex sibun im ju pie tix kaux kawx, nawh rhim yung, mawie, la, brung, kala-uk mai kraung ceep khankix deeh ing ka simiang Akhisha.<sup>10</sup> Simiang Akhisha ah nin, “Mawh hu yuh pex naing plak mawx daux in singaix?” Davit pawk ah nin, yix hu puing haktiex plak jee meung Yudax, plak jee haktiex Yeramelax mai plak jee haktiex Keni.”<sup>11</sup> Davit ang lai deuh simex sibun im ju pie tix kaux kawx, son ang kix lai pon viex gawng ceu an hoek ka veng Gata, Nawh lhat kix hu kraik gawng ceu an, Davit hoik yuh awm an, ceu inkix mawh gawng pa hoik yuh nawh glangyam kawn ot tix daux haktiex pui Philitix.<sup>12</sup> Simiang Akhisha hoik yumrhawm ka Davit ah nin, “Nawh hoik yuh pui cie nawh pui Isarelix seeing brai piang nawh khawmuik, kheu jao an nawh tak mawh siliex aux leeingju heue.”

Ka daux singaix an pui Philitix khawm krunaing tix sonsang hu puing ka pui Isarelix, simiang Akhisha ah nin ka Davit, “Kieh maix kriem tawng, maix mai pui maix tak yaox ti hu ka daux naing tau mai aux.”<sup>2</sup> Davit ah nin ka simiang Akhisha, mhawm heue, maix tak tawng ka ceu pa pon yuh siliex maix tete mai simiang Akhisha ah nin ka Davit, “Mhawm heue, aux tak kieh maix mawh cao kaing naing ting pa pau ju aux.”

*Sawlux Kum Mai Sibun Chix Sibawk*



<sup>3</sup>Yam an, Samoelax hoik yum mai pui Isarelux yiiem doe ka son nawh mai kix sipaung nawh ka daux veng Ramax pa mawh veng ot tokaux nawh mai Sawlux grheu pui singie mai pui pa koe khuan caox khaing daux haktiex. <sup>4</sup> Pui Philitix khrawm paox tix hoek mai kix bang ka daux veng Shunim, mawh kheu nan, Sawlux khrawm pui Isarelux mai kix hu bang ka daux veng Gilabaw. <sup>5</sup> Yam yaox Sawlux ka krunaing Philitix, nawh kied lhat mai nawh

sibun an deeh pawk ah nin, "Mawh grang pakpeung pui pa kuad tix kaux pa haok khaing tan mai nawh ceep sibex dhah," mai Sawlux tawng ka mawh an Samoelax, nawh gup pakngai tix piang tiex mai gruxgup tix. <sup>15</sup>Yam an, Samoelax ah nin ka Sawlux, "Kheu patix maix lai kok ti tuktiak ka aux?" Sawlux pawk ah nin, "Aux kied koe krax lauxrhawm, kheu sang yuh pui Philitix naing ka aux, Siyiex hoik tikvud aux mai ang lai pawkloxaux, khaing cao jhai angah, ka daux 28:6 Si 27:21. 28:17 1Sa 15:28. 28:18 1Sa 15:3-9.

335

1 SAMOELAX 28-29

kied sikuarhawm sigrien sigre. <sup>6</sup> Yam chawckheng Sawlux ti yaox grawng pa sang yuh tix ka Simiang Siyiex, Siyiex ang pawk lox nawh daux camaox angah, ka daux Urim angah mai khaing cao jhai angah, <sup>7</sup>Sawlux ah nin ka siliex tix, "Hu sawg ka sibun pa chix sibawk sonsang yaox aux ti hu chawk nawh mai siliex nawh krai koe sibun pa chix sibawk ka daux veng Endawrax tix kaux tan." <sup>8</sup>Sawlux peeik kraung ceep tix mai loh ti ceep kraung tang ceu mai lih hu tau mai pui ra kaux mai hoek ka sibun pa chix sibawk ponsawm mai ah nin, "Yuh buanson chawk ti yaox khuan pui yum son aux mai kok ka pui pa krai aux ceukaux ka maix." <sup>9</sup>Sibun chix sibawk an ah nin ka nawh, "Jhak heue, maix tawng grawng pa hoik yuh Sawlux mai nawh hoik grheu pui singie mai pui pa koe khuan caox khaing daux haktiex in khawmuik, yuh ka mawx maix lai taong kie sonsang kieh aux yum." <sup>10</sup>Sawlux tiextu ka nawh ka plak sivoie Siyiex ah nin, "Awm im ju Simiang Siyiex, krax pa ciyang tak ang hoek piang maix kheu grawng in." <sup>11</sup>Sibun an deeh ah nin, "Mawh sang kieh maix aux jhi ti yaox pui mawx?," Sawlux deeh ah nin, "Kok Samoelax ka son aux." <sup>12</sup>Yam hoik yaox sibun an ka Samoelax, nawh riagyo ah nin ka Sawlux, "Kheu maix lai pielhen ka aux maix mawh Sawlux." <sup>13</sup> Simiang deeh ah nin ka nawh, "Paw lhatgraung kah, mawh yaox maix ceu patix," sibun an deeh ah nin ka Sawlux, "Aux yaox ka haok khuan tix ceu khaing daux tiex." <sup>14</sup> Nawh deeh ah nin ka sibun an, "Mawh koe grang pakpeung nawh yuh ka mawx?"

camaox angah, mawh kheu nan, aux tom kok maix sonsang jhi maix aux yaox pa sang caw aux ti yuh." <sup>16</sup> Samoelax ah nin, "Phan Simiang Siyiex hoik tikvud maix mai mawh pui koeng ka maix, yuh ka mawx maix lai kawm chawk aux? <sup>17</sup> Simiang Siyiex hoik yuh ceu an ka maix awm hoik krai Nawh Cao ka aux, mawh kheu Simiang Siyiex hoik teei meung haktiex in daux tawm taix maix mai tawx ka paox plawg maix Davit. <sup>18</sup> Mawh kheu ang maix cu nghiet ka gumlox Simiang Siyiex mai ang hawt yuh awm pa kied songrhawm tix ka pui Amaliet, mawh kheu nan, Simiang Siyiex yuh ceu in ka maix daux in singaix. <sup>19</sup> Lheu khaing an, Simiang Siyiex tak appui Isarelux khawm maix ka daux tawm taix pui Philitix pasax, maix khawm kawm simex maix tak ot tau mai aux mai Siyiex tak baox ap krunaing pui Isarelux ka daux taix pui Philitix." <sup>20</sup> Khaix an, Sawlux gohgup piang tiex dommawx doman, jao kied lhatgraung nawh ka lox krai Samoelax mai riang rao nawh hoik uik khaing daux nawh, kheu ang nawh lai ih priex tix ngaix mai tix sawm. <sup>21</sup>Sibun an hoek ka Sawlux mai yaox ka kied lauxrhawm Sawlux, nawh ah nin ka Sawlux, "Jhak heue, siliex sibun maix hoik nghiet ka lox maix mai ang lai lhawk ka ju tix mai hoik nghiet ka lox pa krai maix khankix. <sup>22</sup> Mawh kheu nan, yam in nghiet ka lox krai siliex sibun maix, kieh aux khan blah ka plak sivoie maix ceeix, teei ti ih sonsang deeh koe riang rao maix yam deeh ing tix." <sup>23</sup> Sawlux thiang ah nin, "Aux ang ih," viang mawh nan siliex nawh mai sibun an, niied ti tawx riang nawh, nawh nghiet ka lox kix mai yaog ti kaoh khaing piang tiex mai ngawm piang

ku it.<sup>24</sup> Sibun an koe mawie pa kluing tix mu, nawh niied ti pah kawn mawie an mai teei phawng blah nghox ca mai kluklao tau mai yuh blah pa ang sau susaix kah,<sup>25</sup> nawh viex hoek sivoe Sawlux mai siliex nawh khankix, khaix hoik ihkix, kix yaog ti hu daux sawm an heue.

### **Thiang Pui Philitix Ka Davit**

Pui Philitix khrawm krunaing tix khawmuik daux veng Aphiet mai pui Isarela

1 SAMOELAX 29-30

hoik bang ti ot hawt dee lih rawm keut pa koe daux veng Yezerelax.<sup>2</sup> Mai cub simiang pui Philitix lih hu tau mai cub krunaing pa koe kaing yieh mai pa koe kaing rheng, viang mawh nan Davit mai pui nawh khankix hoik lih hu hawt khaix cub krunaing simiang Akhisha.<sup>3</sup> Cub simiang pui Philitix ah nin, "Mawh hoek yuh pui Hebrie inkix patix tin?," mai simiang Akhisha ah nin ka cub simiang pui Philitix, "In mawh Davit siliex Sawlux simiang pui Isarela, hoik ot tau mai aux tom rheeng num ang mawh lie? Jah tom singaix hoek bleeh nawh ka aux tom hoek daux in singaix ang aux sax yaox ceu pa lud nawh."<sup>4</sup> Cub simiang pui Philitix kied songrhawm ka nawh ah nin, "Kieh pui inkix deeh ing ka dee tawx maix kix ot mai paw kieh kix hu daux naing tau mai ex, ex lhat kix deeh tieh ti mawh pui koeng ex daux naing, mawh kheu kix tak chix yuh ceu pa fahrhawm cao simiang tix yuh kamawx? Ang mawh kheu viex nawh grawng kaing pui ex inkix hu tau mai nawh lie?"<sup>5</sup> In mawh Davit pa hoik ah kix lai rhax grawng nawh pa ah nin, Sawlux hoik pah kaing rheng kaing rheng, Davit hoik pah kaing mheen kaing mheen ang mawh lie?"<sup>6</sup> Khaix an, simiang Akhisha kok Davit ah nin, "Awm im ju Simiang Siyiex tete, maix hoik mawh pui rahsee, grawng pa hu maix tau mai aux daux krunaing hoik mawh pa mhawm plak sivoe ngai aux, mawh kheu jah tom singaix hoek maix ti ot tau mai aux tom hoek daux in singaix, aux ang yaox pa caoxcaig ka daux maix, viang mawh nan cao kaing simiang pui Philitix ang khawrhawm ka maix,<sup>7</sup> mawh

kheu nan, yam in deeh ing mai lih hu ka daux pa nhim son ang maix lai kieh cao kaing simiang pui Philitix koe krax pa songrhawm."<sup>8</sup> Khaix an, Davit deeh ah nin ka simiang Akhisha, "Mawh hoik yuh aux ceu patix, jah tom singaix ot aux tau mai maix tom in singaix, son ang aux pon puing ka pui koeng cao simiang aux mawh hoik yaox maix ceu patix ka siliex maix lie?"<sup>9</sup> Simiang Akhisha deeh pawk ah nin ka Davit, "Aux tawng ka  
29:5 1Sa 18:7, 21:11. 30:5 1Sa 25:42-43. 30:7 1Sa 22:20-23.  
336

mhawm pa yuh maix awm Kawncau Siyiex plak sivoe ngai aux, viang mawh nan, cao kaing simiang pui Philitix ah nin, paw kieh nawh hu tau mai yix ka daux bang naing,<sup>10</sup> kaoh plak ponggawb caocao tau mai siliex cao simiang maix pa ot tau mai maix mai deeh ing yam bah rieng praix dommawx doman."<sup>11</sup> Mawh kheu nan, Davit mai pui nawh khankix kaoh ponggawb caocao, sonsang deeh ing ka haktiex pui Philitix mai pui Philitix khankix kawx haok ka veng Yezerelax heue.

### **30 Grawng Pex Davit Ka Pui Amaliet**

Khaix hoik luan loe ngai, yam Davit mai pui nawh khankix hoek ka veng Zikalat, pui Amaliet lih hu puing ka baoh haktiex plak jee veng Zikalat, kix pex ka Zikalat mai gleeing ka veng,<sup>2</sup> kix giex sibun pa ot tan khawmuik, jah ka pui iak tom hoek ka pui ting, kix ang pah pui pie tix kaux kawx, kix rhim ti viex canceu pa koe daux veng khawmuik mai deeh ing.<sup>3</sup> Yam deeh Davit mai pui nawh ka daux veng, nawh yaox hoik gleeing veng ka ngu mai hoik rhim ti teei moeng kix khawm kawn simex kawn sibun kix khawmuik hu mawh pa giexlaung.<sup>4</sup> Davit mai pui pa ot tau mai nawh khankix yiemriag mai yolox ti lih mai yiem tom ang lai koe riang ti sang baox yiem.<sup>5</sup> Moeng Davit pa mawh Ahinawm pa mawh kawn sibun veng Yezerelax mai Abigelax pa mawh moeng Nabalax pui veng Kharamelax kawx hoik rhim mawh pui pa giexlaung.<sup>6</sup> Davit kied koe krax khirhawm, kheu jao kra i pui khankix tix sang dheem nawh ka simaox, mawh kheu pui khawmuik hoik koe krax khirhawm mai kied voirhawm son kawn simex kawn sibun tix khankix, viang mawh

nan, Davit tee riang rao tix ka Simiang Siyiex Cao nawh. <sup>7</sup>Davit ah nin ka cao giex kaing li Abitax kawn simex Amaliet, "Viex sibex dhah hoek ka aux tin, " Abitax kawx viex sibex dhah an hoek ka Davit. <sup>8</sup> Davit deeh chawkw grawng an ka Simiang Siyiex ah nin, "Mawh sang yaox aux ti pheet cub lien naing inkix lie? Mawh sang pon krup aux kix lie?" Nawh Cao deeh pawk ah nin, "Hawt heue, mawh kheu maix tak pon hawt krup ka kix mai

hoek plak bo ngaix khaix, lheu khaing pui awn ju pa pon brug kala-uk khankix to pon yieh, pui tix kaux kawx ang lai pon glawd. <sup>18</sup>Davit deeh pon tee ka kraung pa rhim pui Amaliet hu khawmuik mai Davit deeh pon taoh ka moeng tix khawm ra kaux. <sup>19</sup>Kraung khrai cie kix ang koe pa dieh tix ceu kawx, pui iak pui ting mai kawn simex kawn sibun pa tudrhim kix, Davit hoik deeh pon tee khawmuik. <sup>20</sup>Davit teei yung,

337

1 SAMOELAX 30

deeh pon taoh kix khawmuik." <sup>9</sup> Mawh kheu nan, Davit mai pui nawh liah yieh kaux lih hu hawt khaix kix, yam bleeh kix ka rawm klawng Besawrax, kix kawn dah tix ot khaix tan tixblah. <sup>10</sup>Viang mawh nan, Davit mai pui nawh baox hawt khaix kix, pui ra yieh kaux pa kied taug kied mao mai dah ti ot plak khaix tan, jao ang kix pon tiang rawm klawng Besawrax, <sup>11</sup> kix yaox pui Ejiptux tix kaux ka dauw tong kaung mai kix giex nawh hoek ka Davit mai tawx nawh ih blah nawh kawx ih mai kix deeh tawx nawh nyaux rawm. <sup>12</sup> Kix baow tawx blah plix ruh tix khlawp mai plix siiet kroh ra sigleem, yam hoik ih nawh ceu an, riang rao nawh hoik deeh koe, mawh kheu ang nawh lai yaox ti ih blah mai nyaux rawm loe ngaix loe sawm. <sup>13</sup> Davit ah nin ka nawh, "Mawh maix pa dex mai pui mawx, " mai nawh ah nin, "Aux mawh nyawm awn ju pui Ejiptux mai aux mawh siliex Amaliet, cao simiang aux hoik prah aux kheu jao saux aux hoik koe loe ngaix phao. <sup>14</sup> Yix hoik puing haktiex Kherati plak jee mai haktiex dee kuang pui Yudax mai haktiex cie Khaliep plak jee mai yix hoik gleeing veng Zikalat." <sup>15</sup> Davit ah nin ka nawh, "Mawh pon viex maix aux hu dee ot krunaing in lie?" Nawh ah nin, yuh krax tiextu ka aux plak sivoie Siyiex, son ang maix sang pah aux mai son ang maix sang ap aux ka dauw taix cao simiang aux mai aux tak viex maix hu ka krunaing inkix." <sup>16</sup> Yam viex nawh Davit hukatan, kix hoik ih nyaux mai graoh, kheu kraung pa hoik pon tudrhim kix tomnie, khaing haktiex pui Philitix mai haktiex Yudax. <sup>17</sup> Davit puing ka kix, jah plak ponngawb tom

mawie mai tobrie pa hawh kix hoek plak sivoie nawh khankix ah nin, "In mawh kraung pa pon tudrhim cie Davit." <sup>21</sup> Yam deeh hoek Davit ka pui ankix ra yieh kaux pa kied taug mao mai pa ang pon hawt khaix Davit khankix, pa dah ti ot hawt rawm klawng Besaw tan, kix lih hu rieb Davit mai pui pa ot tau mai nawh khankix, yam hoek Davit dex pui pa hoek ti rieb ka nawh, nawh rieb ti singeuh taix kix khawmuik. <sup>22</sup> Pui caoxcaig mai pui luhia khankix pa hu tau mai Davit ah nin, "Mawh kheu ang kix hu tau mai ex, ex tak ang tawx kraung pa pon tud rhim ex ka kix tix ceu kawx, kieh kix tang tee moeng kawn tix mai lih hu." <sup>23</sup> Mawh kheu nan, Davit ah nin ka kix, "Puxaik aux khankix eue, pex tak ang pon ti yuh nin ka ceu pa hoik tawx Simiang Siyiex ka ex, pa hoik priexrien Nawh ex mai pa hoik ap ka pui pa hoek ti puing ka ex khankix ka dauw tawm taix ex. <sup>24</sup> Mawh pui mawx pa sang nghieth lox pex grawng in? Viang mawh nan, awm koe nyum pa lih hu ka dauw naing, nyum son pui pa ot mai kraung khrai kawx tak koe nang, ex tak goih situ awm paow tix." <sup>25</sup> Jah singaig an tom hoek dauw in singaig, Davit hoik deuh mawh been ka son pui Isarelix. <sup>26</sup> Yam hoek Davit ka veng Zikalat nawh tawx kraung pa pon tudrhim tixblah ka cao kaing kuad pui Yudax ka paowgrawm nawh khankix ah nin, "In mawh totaig son pex, khaing kraung khrai pa hoik pon tudrhim khaing pui koeng Simiang Siyiex <sup>27</sup> mai tawx ka pui pa ot ka dauw veng Betelax, son pui pa ot hawt baoh plak jee veng Ramot, son pui pa ot ka dauw veng Yatirax khankix, <sup>28</sup> son pui pa ot dauw veng Araw, son pui pa ot dauw veng Eshatamaw khankix, <sup>29</sup> son pui pa ot dauw

veng Rakhelax, son pui pa ot daux veng Yeramelax, son pui pa ot daux veng Keni khankix, <sup>30</sup> son pui pa ot daux veng Hawma, son pui pa ot daux veng Khawrashan, son pui pa ot daux veng Atiet khankix, <sup>31</sup> son pui pa ot daux veng Hebron mai ka son can dee hoik sax peung pan Davit mai pui nawh kudah kudee heue.

**Sawlux Mai Kawn Simex Nawh**

*(1Been 10:1-12)*

**31** Pui Philitix puing ka pui Isarelux, pui Isarelux to sivoie pui Philitix mai kix hoik goh ti yum piang gawng Gilabaw tau mai pakied mat tix. <sup>2</sup> Pui Philitix hawt pheet Sawlux mai kawn simex nawh, kix krup mai pah ka Yawnasan, Abinadat mai Malakhishua. <sup>3</sup> Naing hoik kied kin dee ot Sawlux mai pui naing ak khankix hoikkrox puing ka nawh. Nawh hoik kied mat ka ak pui naing khankix. <sup>4</sup> Khaix an, Sawlux ah nin ka cao klawm kraung naing tix, "Lawd vaid maix mai suat aux kah, phan ang mawh nan, aux lhat pui pa ang nyang pat hak khankix hoek suat aux mai nunai ka aux," viang mawh nan, cao klawm kraung naing nawh ang cu tix suat awm pa ah nawh, jao kied lhat tix, mawh kheu nan Sawlux lawd vaid tix tiru mai gup tokaut tix piang rao vaid. <sup>5</sup> Yam yaox cao klawm kraung naing nawh ka hoik goh Sawlux ti yum, nawh kawx baox gup ti yum piang rao vaid tix mai yum tau mai Sawlux. <sup>6</sup> Mawh kheu nan, Sawlux mai kawn simex nawh loe kaux mai cao klawm kraung naing khawm pui nawh khawmuik hoik yum daux tix ngaix khaing. <sup>7</sup> Yam yaox pui Isarelux pa ot toi ngawd mai can pui pa ot toi rawm

Yawdan ka hoik to pui Isarelux kheu hoik yum Sawlux mai kawn simex nawh, yam an kix prah veng ot tix mai to khawmuik mai pui Philitix hoek plud ti ot ka dee an. <sup>8</sup> Yam hoek daux singaix pasax, pui Philitix hoek ti peeik kraung naing pui yum khankix mai hoik yaox yum Sawlux mai kawn simex nawh loe kaux piang gawng Gilabaw. <sup>9</sup> Kix hoik kid kaing nawh mai peeik kraung naing nawh, kix ploi pui hu ka haktiex Philitix kudah, sonsang pao kix grawng ceu an daux nyiex rieanggrang siyiex kix mai daux sinax pui khankix. <sup>10</sup> Kix priex kraung naing ceep nawh daux nyiex siyiex Ashatariet mai kix preue tokaux yum nawh piang guh veng Bietschan. <sup>11</sup> Yam mhong pui haktiex Gilat pa ot daux veng Yabiet ka ceu pa yuh pui Philitix ka Sawlux, <sup>12</sup> pui pa koe rhawm vao rhawm kua khankix yaog ti lih hu leeingsawm mai kix teei tokaux yum Sawlux mai tokaux yum kawn simex nawh khankix, hoek khaing piang guh veng Bietschan kix deeh hoek ka veng Yabiet mai gleeing ka tokaux yum kix tan khawmuik. <sup>13</sup> Khaix an, kix deeh sut siang mai sipaung ka greem pang khaox pa koe ka daux veng Yabiet mai kix tuah pa ih aliah ngaix heue.